

卷四三

明書家

佩文齋書畫譜

C. T. LOO & CO.  
41 EAST 57th STREET  
NEW YORK, N. Y.

NO. 513  
HGT. \_\_\_\_\_  
LENG. \_\_\_\_\_

NK

3634

.A2

Q243

1920

v.15

佩文齋書畫譜目錄

第四十二卷

書家傳二十一

明三

李東陽

吳寬

吳奔

謝遷

邵寶

徐溥

李應禎

何喬新

何喬福

何宗

王慎

童軒

徐瓊

沈暉

周經

陸鈇

羅璟

劉大夏

傅瀚

傅潮

倪岳

謝鐸

戴珊

屠浦

程敏政

羅玘

呂獻

戴經

廖輔

喬瑛

張鳳翔

張元澄

錢仁夫

劉挺

曾琮

周佩

蔡潮

張文淵

楊武

張弘至

張其湜

周宣

胡錦輅

張潛

鄧杞

沈周

吳綸

張鈇

張淵

王綸

雷鯉

朱存理

王一鵬

皇甫信

黃雲

馬時暘

陳厚

趙式

張翼

劉棨

詹復禮

詹僖

楊節

杜董

盛安

王佐

鄒忠

吳鳴翰

秦霖

方乾

顧培

夏禮

汪道全

鄭時雍

程階

鍾禮

李進

蕭慈

周時勅

董元

周璿

王敷若

陳廷泰

沈天祿

吳燿

李橘

方絢

邵文恩

溫恭

李璧

周令

王蕃

林宣

湯敬

柴登

楊碧

吳應

周文通

王鏊

王延陵

楊廷和

李傑

郭勛

梁儲

楊一清

李璉

洪鍾

儲權

張志淳

喬宇

王鴻儒

劉春

陸完

錢承德

毛澄

王贊

張嘉謨

王守仁

祝允明

唐寅

都穆

文奎

文徵明

文彭

文嘉

王同祖

蔡羽

王守

王寵

陳淳

錢穀

王韋

王逢元

徐霖

葛澗

李夢陽

何景明

徐禎卿

顧璘

顧璘

鄭善夫

陳沂

孫一元

景暘

胡纘宗

楊慎

孫承恩

汪必東

孫紹祖

張潮

常倫

胡松

虞守隨

顧可久

林達

王廷陳

林黼

張孚一

孫存

楊應奎

成周

王謳

王鳳靈

于鑿

華愛

李贊

姚惟芹

鄭天鵬

江巨石

曾嶼

涂澂

鄭雍言

張允中

金琮

金魚

劉穉孫

朱治登

胡師閔

朱貞孚

彭昉

王朝佐

謝承舉

顧元慶

沈仕

嚴賓

楊珂

王洪

張詩

李祐

張含

林鉞

周梁石

陶楷

董宜陽

高澗

楊黼

瞿汝臣

張鉞

朱正

陸平

宋顯章

崔深

朱端

司馬伯通

杜君澤

李景

李穆

陳世英

詹貴

蔣能

林煒

張煒

諸夏

吳楚

王時任

黃源

丘山

林渠

羅黻

朱唐

柴世需

徐潮

馮濟

錢潤

嚴雍

嚴芸

張奉

何翠谷

王德明

李士寶

傅亨

章寶臣

張節

張士寔

徐澄

許伯貞

陸顧

潘謙

鄭公佐

陳謨

楊士廉

范紳

陳宣

金勉

陸勉

周文褒

何暹

凌壽

柳濟

第四十三卷

書家傳二十二

明四

李時

夏言

顧鼎臣

許纘

張治

徐階

嚴訥

嚴澍

嚴澤

嚴濟

秦金

羅欽順

顧清

朱希周

劉麟

周倫

周用

劉節

湛若水

魏校

顧應祥

陸深

邵銳

周金

許成名

韓玉

徐江山

許宗魯

徐獻忠

張文憲

豐坊

徐蘭

蘇若川

馮世雍

王慎中

馬呈道

楊儀

袁聚

袁袞

袁尊尼

顧聞

羅洪先

唐順之

王電

沈愷

吳子孝

王問

張合

陳塏

方元煥

潘德元

吳山

張瀚

陳鳳

許穀

莫如忠

莫雲卿

陳鎔

陳爾見

吳維嶽

馮惟重

陸師道

陸安道

王毅祥

許初

沈應元

黃文梯

吳達

陸樹聲

邢一鳳

張寰

皇甫濂

朱曰藩

羅汝芳

周思兼

周紹元

周裕度

張天復

馬一龍

羅鹿齡

馬汝僊

周思久

王可大

胡汝嘉

魏學曾

晁東吳

郭斗

姚汝循

張橋

戚元佐

沈玄華

張嶺

章公美

潘恩

徐文溥

連鑛

華鑰

左國璣

梁懷仁

蔡一槐

吳元恭

王問臣

曾喬

張景賢

林應禧

楊子亨

白悅

梁典

朱俊格

朱致槐

朱拱枬

朱多燬

彭年

顧德育

陸中行

黃姬水

陸治

周天球

王穉登

張鳳翼

張獻翼

張燕翼

文肇祉

王山

孫得原

孫克弘

談志伊

項元淇



項元汴

項德純

俞允文

盛時泰

陳芹

顧源

姚澗

徐渭

沈明臣

陳鶴

蕭翊

黎民表

黎民懷

黎邦琰

林承芳

方登

徐令

張遜業

吳南

梁夜

張允孝

章文

章藻

吳錦

張電

浦澤

張拙

張思

曹學

顧亨

陸九州

王如

王國相

徐樞

趙性魯

吳君懋

鄭文賢

唐世美

李鳳

李惟柱

冀孚

蘇洲

張書紳

談相

張廣

李孟楨

徐松年

錢仲

李麟

康學詩

陸旅攜

王樗全

沈文楨

沈大中

木青

梁桂茂

黃珍

宋椿

唐成

錢寶

韋椿

林天駿

夏霽

成希名

郭岱

周仕

任傑

甘彥

華恩

孫官

陸昞

何錡

羅輅

顧瑤

顧從義

姚章

林應龍

王埜

王儀

朱俸

王文楨

陳言

吳應卯

吳三畏

汪徽

莫拙

余重謨

康誥

胡介

江恩

張惟正

彭燦

俞憲

張德讓

賈澄

張懋英

林大楨

周鯤

方洪

陳壽徵

陳自然

浦博

周光

程大倫

毛文煥

張堯民

高松

劉傳

陳裸

吳昂

吳應鳳

王槐

顧從禮

叢恕

程道南

李中

金光初

黃猷吉

顧大典

湯煥

鄭夢禎

許光祚

張應雷

吳撝謙

李登

常信

章國舜

梁辰魚

吳自成

尹校

徐繼申

第四十四卷

明五

申時行

王錫爵

王衡

王家屏

王世貞

王世懋

索福徵

王泮

張元忭

邢侗

余孟麟

余世奕

趙南星

林堯俞

陳泰來

馮大受

陳璋

臧懋循

溫顯

張萱

董嗣成

秦可貞

朱國祚

于若瀛

劉黃裳

董其昌

董原正

黃輝

焦竑

焦尊生

沈天啓

王肯堂

何湛之

何淳之

陸彥章

蔣杰

張民表

李日華

李肇亨

劉一焜

沈鳳翔

萬壽國

朱之蕃

米萬鍾

王思任

范允臨

尹伸

張文暉

卜履吉

曹徵庸

陳勳

馮玄鑑

劉世教

傅淑訓

張以誠

徐光啓

李流芳

趙岬

尹嘉賓

宋奎光

王心一

俞琬綸

蔣如奇

楊嘉祚

來復

曹履吉

沈嗣選

姚履旋

李開芳

黃汝亨

傅光宅

朱多燼

朱多炆

朱多燿

朱謀璫

朱謀聖

朱謀璋

朱統錚

朱謀埏

宋之儒

金殿

謝肇淛

朱音

顧履中

范文明

詹景鳳

袁表

黃道充

林鳳華

張仁

衛可徵

胡宗仁

郭天中

王逢年

鄔佐卿

沈春澤

曹大同

周之冕

華之芳

周芝山

羅文瑞

周炳文

沈熙

程福生

趙仕禎

李寧儉

吳元滿

文元善

陳繼儒

趙宦光

趙均

葛雲蒸

孫謀

歐陽序

歐陽廩

許伯倫

許無念

蔣之芳

張元舉

浦融

陸從龍

陸萬里

陸萬言

方元懷

馮其隆

周履靖

沈啓南

汪欽

周梓

周叔宗

顧澄先

朱賓

沈庭訓

周宣

錢伯升

朱廷剛

張應唯

陸長庚

葛符

葛一龍

強存仁

彭汝諧

鄒謙

周之士

朱期昌

温如玉

趙之璧

蘇眷山

李世嶼

白仲

梁山

龍德化

高元雅

高孟超

彭天禔

宋九德

郭汝宣

谷淮

朱完

馬元震

黃之璧

尤道恒

王應賓

王慎修

穆光胤

張東白

沈仲亨

杜大中

杜大綬

薛明益

文從先

姚之裔

羅萬象

李世澤

林景暘

郭惟誠

吳鉞

黃叔遁

康時萬

張朗

項拱辰

杜士基

潘緯

詹希賢

詹萬里

朱履

徐燭

俞安期

魏之璜

朱慶斯

楊學詩

顧端

馮敏効

陸曾暉

葛曉

金湯

車時俊

梁思年

黎永正

徐昆

蕭端岳

洪珠

張環

章冕

鄧良佐

王衍相

湯應龍

周承禹

林潮

李開藻

王士崧

成楫

馬繼文

唐尚忠

趙應宿

徐圖

章如珽

劉世學

黃道周

洪周祿

諸清臣

許用敬

婁堅

宋珏

歸昌世

朱應佐

葛應典

陳元素

魯得之

何白

吳周生

鍾快

韓治

朱茂曙

朱茂皖

汪淮

俞可進

李永昌

洪度

沈瑞徵

徐弘澤

沈叔淳

高道素

陸鳴和

吳秋林

陸元厚

沈行叔

朱纓

安紹芳

李坤

李彛仲

嚴衍

沈弘嘉

項真

顧聽

宋臣熙

宋獻

童朝儀

沈如封

吳潛

沈甲秀

諸文星

孫幼如

王雯東

張振英

高松聲

王淑

吳惟英

吳高節

洪墨卿

官賢

車素

潘雲翼

文震孟

文震亨

文從簡

文葆光

文謙光

文寵光

傅汝循

陳師泰

王一翥

陶汝鼐

陳丹衷

魯憲學

林曰本

邵彌

程衷素

浦大冶

嚴調御

黃應僖

房宏中

戴笠

景輝

陳振琦

周珽

吳應箕

顧杲

范文光

錢邦芭

曹函光

蔣元龍

洪邦基

俞塞

劉世鵬

鄭露

胡靖

王琦

朱國詔

玉華山樵

黃生

友松處士

固窮居士

鼎文

周郎

吳十九

貧極道人

蕭敬

吳亮

鄭同

崔澱

張君寶

卓晚春

張宇初

張迪哲

吳伯理

張復

周禎

黃裳

釋德祥

釋宗泐

釋來復  
釋惠熙  
濟上人  
釋大智

釋惟寅  
釋無辨  
釋康雪庭  
釋知

釋道聯  
釋妙清  
釋守仁  
釋萬金

釋定徵  
釋宗奎  
釋戒襄  
釋福懋

釋定皚  
釋完敬  
釋德清  
釋宏株

釋洪恩  
釋彬公  
釋宗公  
釋如廉

釋智舫  
釋同六  
釋智訥  
釋永傑

釋如曉  
釋道生  
游僧  
高妙瑩

蔡氏  
徐氏  
馬氏  
黃氏

金元賓妻  
邢慈靜  
黃氏  
姚氏

陸氏  
徐媛  
袁氏  
沈伯姬

葉紈紈  
張徽卿  
雲濤  
月液

女士徐範  
何玉仙  
張天駿廝養婢  
姜舜玉

馬如玉  
朱無瑕  
顧文英  
梁小玉

楊宛  
薛素素  
卞賽  
王少君

楊蕙孃  
沙宛在  
郝藝娥  
楊叔卿



佩文齋書畫譜卷第四十二

書家傳二十一

明三

李東陽

李東陽字賓之

朱謀聖云號西涯

茶陵人四歲能大書景帝召見加諸膝賜寶鏹舉天順八年進士授編修弘治八年入內閣十六年加太子太保戶部尚書謹身殿大學士

贈太師謚文正

吾學編

涯翁篆勝古隸古隸勝真行草

兪州山人藁

東陽草書筆力矯健成一家小篆清勁入妙

詹氏小辨

吳寬

吳寬字原博

名山藏云世人重之稱鮑菴先生

成化壬辰會試第一人試大廷又第一授翰林修撰弘

治中為禮部尚書兼學士贈太子太保謚文定為文不事追琢獨嚴體裁為詩沉

著高壯一洗近世尖新之習作書姿潤中時出奇崛雖規模於蘇而多所自得

震

澤集

吳奕

吳奕字嗣業號茶香居士文定公從子亦善書筆法類文定公

延陵族譜

謝遷



C. T. LEO & CO.  
41 EAST 57th STREET,  
NEW YORK, N. Y.  
U. S. A.

謝遷字子喬餘姚人成化十一年進士授修撰弘治八年與長沙同入內閣十八年加少傅太子太傅禮部尚書武英殿大學士贈太傅謚文正 吾學編

王世貞國朝名賢遺墨有謝遷書 兪州續彙

邵寶

邵寶字國賢 朱謀聖云號二泉 無錫人成化二十年進士弘治中為禮部尚書贈太子少保

謚文莊 吾學編

文莊善行草深得顏魯公筆意 書史會要

徐溥

徐溥字時用宜興人孝宗時入內閣歷少師兼太子太師吏部尚書華蓋殿大學

士贈太師謚文靖 列卿紀

王世貞國朝名賢遺墨有徐溥書 兪州續彙

李應禎

李應禎名姓以字行更字貞伯長洲人景泰癸酉舉鄉試入太學授中書舍人弘

治中為太僕少卿博學好古篆楷俱入格 列卿紀

文徵明曰家君寺丞在太僕時公為少卿徵明以同寮子弟得朝夕給事左右所

承緒論為多一日書魏府君碑顧謂徵明曰吾學書四十年今始有得然老無益

矣乎其及目力壯時為之因極論書之要訣累數百言凡運指凝思吮豪濡墨與

字之起落轉換小大向背長短疎密高下疾徐莫不有法蓋公雖潛心古法而所自得為多當為國朝第一其尤妙能三指尖搨管虛腕疾書今人莫能及也

藝苑記庵言

甫田集

少卿書人有求者多怒不應以故傳世少

書史會要

少卿書法自成家蓋軼唐而上然每恥以是見名

文震孟姑蘇名賢小記

### 何喬新

何喬新字廷彥廣昌人景泰五年進士弘治中為刑部尚書謚文肅

吾學字編

喬新楷法極謹細無一筆苟

王世貞國朝名賢遺墨跋

### 何喬福

何喬福字廷錫見畫家傳讀書不事章句率其意為歌詩晚精草書得顛素筆法

何喬新椒丘

文集

### 何宗

何宗字本茂盱之廣昌人喬新兄穎敏好學性喜書初師歐陽率更晚更兼顏柳之體

邑之山鏡冢刻多出其手

椒丘文集

### 王儼

王儼字廷貴武進人生有異質十歲能作詩景泰辛未進士授編修孝宗時為南

京吏部尚書贈太子太保謚文肅真行書皆道勁脫俗

列卿紀

童軒

童軒字士昂金陵瑣事云號枕肱應天人景泰辛未進士拜吏科給事中弘治中為南京禮部

尚書致仕為文淵博雄麗詩有唐人體裁書法道勁分省人物考

徐瓊

徐瓊字時庸號東谷金谿人天順丁丑進士第二人授編修弘治中為禮部尚書

加太子太保圭峰羅公謂瓊之量弘矣而無量名文優矣而無文名書善矣而無

書名有三不近名贊撫州志

沈暉

沈暉常州宜興人天順庚辰進士弘治中為南京兵部侍郎詩有魏晉風楷書得

魯公筆意列鄉紀

周經

周經字伯常陽曲人舉天順庚辰進士入翰林為庶吉士授檢討弘治中為戶部

尚書贈太保謚文肅為詩文及書麗而有則懷麓堂集

陸鈇

陸鈇字鼎儀號靜逸又號凝菴崑山人天順癸未試禮部第一甲申廷試第二授

編修弘治初擢太常少卿兼翰林侍讀為文章周慎雍裕詩調高古尤嗜書清勁

可愛懷麓堂集

羅璟

羅璟字明仲

王世貞云號水玉

江西泰和人天順癸未進士及第除編修弘治中為南京國

子祭酒

列卿紀

冰玉筆法頗欲學宋仲溫而未成長然當其時亦錚錚不知何故遠讓長沙

王世貞

國朝名賢遺墨跋

劉大夏

劉大夏字時容華容人天順八年進士為庶吉士出為職方主事歷郎中弘治十五年為兵部尚書致仕嘗預作壽藏記書而勒諸石贈太保謚忠宣

吾學編

傅瀚

傅瀚字曰川

王鏊云白號體齋新喻人

天順甲申進士入翰林為庶吉士授檢討憲宗見古帖隻字

百餘函走中使令編次為韻二律頃刻而就弘治中為禮部尚書贈太子太保謚文穆博學強記為詩文峻整有格書法亦道美

懷麓堂集

傅潮

傅潮瀚之弟成化辛丑進士為中書舍人

匏翁家藏集

瀚弟潮亦工書時稱一家二妙

震澤集

倪岳

倪岳字舜咨上元人天順甲申登進士入翰林為庶吉士授編修弘治中為吏部

尚書贈少保謚文毅

震澤集

王世貞國朝名賢遺墨有倪岳書

弇州續集

謝鐸

謝鐸字鳴治號方石太平人少穎敏能為韻語天順甲申登進士第選庶吉士授編修孝宗時為禮部右侍郎掌祭酒事贈尚書謚文肅

列卿紀

王世貞國朝名賢遺墨有謝鐸書

弇州續集

戴珊

戴珊字廷珍浮梁人天順八年進士弘治九年為南京刑部尚書改左都御史贈

太子太保謚恭簡

吾學編

王世貞國朝名賢遺墨有戴珊書

弇州續集

屠滂

屠滂字朝宗號丹山鄞縣人成化丙戌舉進士試監察御史弘治中為吏部尚書加太子太傅贈太保謚襄敏

列卿紀

李東陽屠丹山詩卷跋云右太子太傅丹山屠公手書長歌一卷以遺贈太保周

文端公者也雖言語詞翰皆文獻之所在

懷麓堂集

程敏政

程敏政字克勤休寧人以奇童薦入翰林登成化二年進士淹貫經籍學最博贈

弘治中以太常卿進禮部侍郎兼翰林學士 吾學編

敏政書合處不減李賓之 王世貞續名賢遺墨跋

羅玘

羅玘字景鳴 號圭 南城人成化丁未進士歷官吏部右侍郎贈禮部尚書謚文肅 吾

學子編

李宗易建亭曰午風羅景鳴隸書其上 石珪熊學集

呂獻

呂獻字丕文號甲軒紹興新昌人成化甲辰進士授刑科給事中孝廟登極命使

交趾弘治十年擢應天府丞終南京兵部侍郎詩文沖淡純粹善草書跌宕奇偉

列卿紀

戴經

戴經字孟常秀水人成化丙午舉人歷延平九江二府推官陞泰安知州致仕有

雙湖集行世 項元廉秀水志

碧梧秋月詩序弘治十一年雙湖居士戴經書 鄒衡嘉興志補

廖輔

廖輔字舜元號東山長汀人弘治二年貢知壽州善詩工草書有張東海筆意為

時所珍董宣贈以歌云壽州草書天下雄翰林風月羅心胸筆鋒清勁奪天巧造

化到此全無功 汀州志

喬瑛

喬瑛字汝修雲南通海千戶所人弘治己未進士仕至衡州知府詩文高古字學

顏楷 張纒臨安府志

張鳳翔

張鳳翔字光世洵陽人左手橫書作字瞬息滿紙弘治五年舉鄉試後成進士仕

至主事 書史會要

張元澄

張元澄字靜夫號東山弘治甲子中鄉試以能書薦詔修孝廟實錄入中書時逆

瑾遣小奄索楷書不為禮尋補南昌倅楷書逼二沈草法懷素與東海並驅時有

安南太守南昌倅東海東山配兩翁之句 青浦志

錢仁夫

錢仁夫字士弘常熟人弘治己未舉進士授都水司主事遷繕部員外郎字學四

體皆善號東湖居士 鄧鼓常熟志

劉挺

劉挺字咸卓萬安人弘治庚戌登進士第授武選主事累官河南布政古章句步

驟柳州字畫類顏甚偉 劉玉執齋集



曾琮

曾琮字石卿號丹崖壬午領省薦授鄴都令性嗜書未嘗一日釋手風日清和則又臨摹法帖故文辭既富而字畫亦精

劉王執齋集

周佩

周佩字鳴玉別號北野華亭人弘治庚戌舉進士授工部主事升員外郎轉刑部郎中劉瑾擅政乞身歸隱日玩周易一卦課詩一首字數幅歲以為常詩學唐字做晉皆有法

馮元成集

蔡潮

蔡潮號霞山臨海人弘治乙丑進士仕至河南右轄善作大書巨坊名扁取稱遐

通

書史會要

張文淵

張文淵弘治己未進士授工部主事終南京禮部郎中善真草筆力遒勁得朱文

公書法

徐待聘上虞縣志

楊武

楊武字文宗岐山人善大書弘治丙辰進士官至副都御史

陝西通志

張弘至

張弘至字時行號龍山東海翁季子草書得三昧法有父風時比之芝旭義獻弘

治丙辰登進士改庶吉士授兵科給事中後以戶科都給事中致仕

雲間志略

張其湜

張其湜字季琰弼孫弘至子善詩草書有祖風

書史會要

周宣

周宣字彥通號秋齋清浦人弘治進士仕終廣東左轄能詩文書法端勁有體格

海內重之

書史會要

胡錦輅

胡錦輅字大載工詩善行楷弘治五年領鄉薦仕為右府都事

尹臺永新縣志

張潛

張潛字用昭號東谷華州人弘治丙辰進士授戶部主事累官山東左叅政善吟

咏工書

分省人物志

鄧杞

鄧杞字思貞弘治十六年貢為國子典簿善草書有才名

王村江西新城志

沈周

沈周字啓南世稱之曰石田先生見畫家傳家長洲之相城里景泰間已有重名注郡守

許欲舉應賢良不果王端毅公巡撫南畿尤重之一時名人皆折節內交後學好

事者日造其廬而請焉書法涪翁道勁奇倔

震澤集

吳綸

吳綸字大本宜興人創別墅於溪山間南曰樵隱西曰魚樂自號心遠居士喜作書得法書名蹟必日臨數過其書往往為鄉人取去藏之至蘇必過沈石田流連浹旬乃去震澤集

張鈇

張鈇字子威慈谿人列朝詩集云與沈啓南為詩友博學強記綜貫經史攻古詩文兼工篆隸真草燕居獨處必正襟危坐高風逸致傲睨物表張時徽寧波志

張淵

張淵字子靜號孟嘏吳興布衣守道安貧隱居鴻村之野與沈石田友善行楷規

模玉局翩翩有致書史會要

王綸

王綸字理之以字行見畫家傳師事沈啓南稱入室工篆隸楷書不減率更令崑山人物傳

雷鯉

雷鯉字自波列朝詩集云號半窗山人與沈石田同時建安人善詩工篆隸建寧府志

朱存理

朱存理字性甫長洲人從杜瓊先生游聞人有奇書輒從以求以必得為志其詩精工雅潔務出新意尤精楷法手錄前輩詩文積百餘家著鐵網珊瑚莆田集

性甫爰自弱齡夙勤文學書闋晉戶吟升宋堂接先曹之典刑暢遺民之風格

祝

聲金石錄

存理工篆籀

劉鳳續吳先賢贊

王一鵬

王一鵬字九萬號西園野夫華亭人

見書家傳

弘治十一年應貢授泰順縣訓導致仕性

寥廓瀟灑綽似晉人工詩善書畫尤長於署書郡中扁額多出其手

雲間志略

王西園字學趙文敏

張伯陽寶日堂集

皇甫信

皇甫信字成之長洲人弘治戊申貢入太學少負奇氣為文章數千言立就作詩有警語尤工書法行師趙文敏楷師張即之以上逼顏魯公瓌瑋峭勁求者日填戶吳中公府學校齋坊多出其手

震澤集

黃雲

黃雲字應龍崑山人家貧力學文宗坡老書法山谷弘治中以歲貢授瑞州訓導

蘇州志

馬時暘

馬時暘名暄以字行會稽人博通經史尤善古篆隸孝廟初徵入華蓋殿供御授

錦衣衛鎮撫

書史會要

陳厚

陳厚字良載弘治間以楷書選入史局供事預修會典書成授翰林序班

杭州志

趙式

趙式字訓夫弘治中為中書舍人遷大理寺正工真行篆隸

懷麓堂集

張翼

張翼字鵬飛號北林肅寧人七歲善書弘治中貢入太學為河南按察檢校

雙深河

聞府志

劉榮

劉榮江西安成人諭德劉戩之子

震澤集

弘治三年錢福榜進士題名碑大學士丘濬撰文大理寺右寺副劉榮書

六館日抄

詹復禮

詹復禮詹僖之父故善書僖寔過之

張時徹寧波志

詹僖

詹僖字仲和

藝苑卮言作詹天字仲和

號鐵冠道人鄞人初為縣諸生已而棄去學書師王右軍樂

毅論東方朔贊及趙子昂度人經金丹四百字七觀焦君碣諸帖皆逼真年七十

餘燈下作小楷如蠅頭道勁可法兩京俱有碑刻人皆珍焉僖名動公卿而亢潔

自好終不屑丐一官人以其益重之

張時徹寧波志

仲和生弘治時行草法趙文敏一點一畫必有祖述自云刻意書學五十餘年心記腹畫方悟旨趣嘗以子昂款式落之識者卒不能辨書史會要

詹和傲趙吳興體酷似之嘗作贗書以鬻又別作李懷琳揚補之得盲兒價甚夥書史會要

仲和法趙承旨幾得其十之七但筆法不精偏鋒一律不能生變詹氏小辨

楊節

楊節字居儉餘姚人見畫家傳弘治末以善書直內殿為序班書效顏魯公更加瘦勁書

史會要

杜堇

杜堇字懼男有權居古狂青霞亭長之號見畫家傳丹徒人占籍京師勤學經史及諸子

集錄舉進士不第遂絕意進取為文奇古詩精確通六書國繪寶鑑續纂

盛安

盛安字行之號雪蓬見畫家傳字學晦公翁頗得其似王詒江寧縣志

王佐

王佐字仁甫自號古直老人黃巖人善草書游京師客公卿間李西涯作王古直傳又贈詩曰長安信脚自來往醉醒不信東君誰其風度可知也列朝詩集

鄒忠

鄒忠字顯之無錫人雅好鍊養之術因自號林泉晚嗜周易久而有得卦賦一詩  
縹括大旨書法兩沈搨本數十皆莊重縝楷邵寶春堂別集

吳鳴翰

吳鳴翰東洞庭人為縣學諸生工書屬文尤長於詩詩成必親書小楷輒為人持

去王琴堂及澤編

秦霖

秦霖字潤孚號卑牧子無錫人教授鄉里人敬之稱必曰卑牧先生學既該洽尤  
精於史喜為歌詩有唐人風致為文長於啓劄所著述多成卷帙至於作書有法

又其餘事也匏翁家藏集

方乾

方乾餘杭人善書祝允明懷星堂集

顧培

顧培字起元以字行見畫家傳工篆隸崑山人物傳

夏禮

夏禮年七歲能書斗大字人稱為書小史沈周作長歌贈之蘇州志

汪道全

汪道全婺源人以能書名郡中清婉可愛程敏政篁墩集

鄭時雍

鄭時雍歙人鄉進士詩文清新典贍工草書篁墩集

程階

程階婺源人好學能書為里塾師篁墩集

鍾禮

鍾禮字欽禮見畫家傳少孤力學書法趙子昂弘治中直仁智殿徐待聘上虞縣志

李進

李進字孟昭嘉興人博極羣書為文春容宏辯尤工楷隸行草為郡學訓導嘉興府志

志

蕭慈

蕭慈將樂人為邑諸生有文名尤工楷書延平志

周時勅

周時勅字欽甫別號古山華亭人弘治間累舉不第會考宗徵能書者俾直文華  
供內制因以書進士大夫評之者謂道勁有古法造請無虛日武宗初授鴻臚寺

序班遷光祿寺丞徐階少湖集

董元

董元更名玘紹興人九歲真楷草書皆能之黃瑜雙槐歲抄



周璿

周璿無錫人以能詩工楷書名里中以子子義貴贈吏部左侍郎兼翰林院侍讀

學士申時行賜間堂集

王敷若

王敷若三山人少有志於用世既而以疾廢遂舍科舉之學益務博覽無所不窺發為詩歌新麗可喜尤工行草書椒丘文集

陳廷泰

陳廷泰閩之連江人好學能詩字畫亦道勁可愛椒丘文集

沈天祿

沈天祿字親仁里稱僖逸先生錢唐人工書法臨歐陽率更能吹洞簫好與黃冠

游沈朝煥泊如齋集

吳燿

吳燿字次明以縣學生貢入國子書法宗顏魯公尤精篆刻善鑿古器物書畫吳

縣志

李橘

李橘字庭貢順德人博學善書仕為太平訓導再領閩鄉王守誠順德府志

方絢

方絢字君素永定人薦學力行好古文工詞賦書篆晚以八行舉辭不就隱居西山草堂門人稱濯錦先生 閩書

邵文恩

邵文恩字仁甫閩縣人工行草選直誥敕房累官尚寶卿 閩書

温恭

温恭晉江人篤志經史善楷書鼓琴舉賢良方正 閩書

李璧

李璧自號介石晉江人教授鄉里工詩辭尤善草行筆畫道勁若老幹枯藤深得

宋翼字法 閩書

周令

周令字異之瑞安人工柳楷書法郡守以奇童薦為翰林秀才弘治戊午令修累

朝實錄授直秘書監歷官太常卿通政使兼正字 王繼明温州府志

王蕃

王蕃思南人自號一瓢齋工篆隸為詩清逸 黔記

林宣

林宣錢唐人家貴陽有才行書法道勁隱居以終 黔記

湯敬

湯敬字克恭歷城人善楷書通經史弘治中爲龍江大使

張文炳晉南府志

柴登

柴登南和人精真草篆隸書弗求仕進鄉里稱爲隱者

翟濟遠南和縣志

楊碧

楊碧瓊州右所人工詩善真草篆隸

唐曹瓊州志

吳應

吳應字允吉政和人能詩尤工篆隸

謝邦信建寧府志

周文通

周文通孝宗時人祝允明書述云談者謂邇日周文通宜攀詹沈蓋亦依稀

懷星堂集

弘治六年毛澄榜進士題名碑大學士劉健撰文大理寺左寺副兼司經局正字

周文通書 六館日抄

王鏊

王鏊字濟之

王世貞云別號守溪學者稱震澤先生

吳縣人成化乙未進士武宗時入內閣進戶部尚書文

淵閣大學士加少傅改武英贈太傅謚文恪文規模昌黎以及秦漢詩蕭散清逸

有王岑風格書法清勁得晉唐筆意

列卿紀

王延陵

王延陵字子永鏊季子鏊還山小構其扁書未當意延陵方髫年操管立就諸名

家皆歎為不及蔭為中書舍人

吳縣志

### 楊廷和

楊廷和字介夫成都人成化戊戌進士改庶吉士授檢討正德中為吏部尚書華

蓋殿大學士

列卿紀

明昌運宮碑大學士李東陽撰楊廷和書

倚晴閣雜抄

### 李傑

李傑字世賢常熟人成化丙戌進士選庶吉士授編修正德二年為禮部尚書贈

太子少保

列卿紀

李傑字畫道逸得黃米法

蘇州志

### 郭勛

郭勛郭英五世孫正德三年嗣武定侯進封翊國公

名山藏

崇壽寺碑吏部右侍郎溫仁和撰文武定侯郭勛篆額

行國錄

### 梁儲

梁儲字叔厚順德人成化戊戌進士改庶吉士授編修正德中為吏部尚書華

蓋殿大學士贈太保謚文肅

列卿紀

王世貞國朝名賢遺墨有梁儲書

兗州續彙

### 楊一清

楊一清字應寧丹徒人年八歲以奇童薦入翰林為秀才成化壬辰登進士授中書舍人正德中為吏部尚書華蓋殿大學士贈太保謚文襄

列卿紀

一清善行草 書史會要

李璡

李璡字時器湯陰人成化壬辰進士授都水主事武宗時為工部尚書贈太保謚

恭敏 列卿紀

明大慧寺碑大學士李東陽撰工部尚書李璡書 涿水亭雜識

洪鍾

洪鍾字宣之錢唐人成化乙未進士授刑部主事正德己巳為刑部尚書兼左都

御史謚襄惠 列卿紀

王世貞國朝名賢遺墨有洪鍾書 弁州續業

儲瓘

儲瓘字靜夫泰州人成化二十年進士正德中為南京吏部左侍郎謚文懿 名山藏

瓘書拙而微有筆 王世貞國朝名賢遺墨跋

張志淳

張志淳字進之江寧人成化甲辰進士正德中為南京戶部侍郎致仕著書自娛

尤究意詩文書畫咸造名家 列卿紀

喬宇

喬宇字希大號白巖太原樂平人成化甲辰進士武宗時為吏部尚書為文出入六經詩多自得語通篆隸有二李風晚精鑒賞名書古帖一見知之

列卿紀

徐霖嘗語人有明以來喬宇篆法第一他人莫敢望也

王劍尊聞

篆書幾失其傳西涯翁極力振其衰而復之古白巖先生實同斯志

柴奇黼菴遺業

王鴻儒

王鴻儒字懋學南陽人成化二十三年進士聰悟天成書過目成誦作字端勁有

古法正德中為南京戶部尚書謚文莊

吾學編

鴻儒書得歐顏法

列卿紀

劉春

劉春字仁仲號東川一號樗菴四川巴縣人成化丁未進士及第授翰林編修正

德中為禮部尚書贈太子太保謚文簡為詩文力追古作晚益簡勁字畫規模於

歐而自成一家宛如冠冕佩玉有心畫焉

列卿紀

陸完

陸完字全卿長洲人成化丁未進士擢監察御史正德中為吏部尚書

列卿紀

王世貞國朝名賢遺墨有陸完書

兗州續集

錢承德

錢承德字世恒常熟人成化十二年進士知阜平縣擢廣東道御史正德初為福建鹽運司同知詞業清美善楷法座有奇石五峰號五峰居士

常熟志

### 毛澄

毛澄字憲清崑山人弘治六年進士第一人授修撰正德十二年為禮部尚書贈

少保謚文簡

吾學編

王世貞國朝名賢遺墨有毛澄書

兗州續彙

### 王瓚

王瓚字思獻永嘉人博學雄文下筆數千言不滯弘治丙辰進士第二授編修正

德十六年為南京禮部左侍郎贈尚書謚文定

列卿紀

瓚書學高閑詈光

兗州續彙

### 張嘉謨

張嘉謨字舜卿

書史會要云號城南

寧夏衛人弘治辛酉舉於鄉正德中授兵部主事終山東

按察僉事好書學篆隸行草各得其妙

分省人物考

### 王守仁

王守仁字伯安餘姚人弘治十二年進士正德中為僉都御史巡撫南贛擒宸濠

封新建伯南京兵部尚書謚文成

吾學編

古人論右軍以書掩其人新建先生乃不然以人掩其書

徐渭文長集

新建善行書出自聖教序得右軍骨第波豎微不脫張南安李文正法耳然清勁絕倫

紹興志

祝允明

祝允明字希哲

王世貞云號枝山

長洲人徐有貞外孫也生而右手指枝因自號枝指生以

舉人授興寧令稍遷應天府通判亡何乞歸其書出入晉魏晚益奇縱為國朝第

一名山藏

文徵明曰吾鄉前輩書家稱武功伯徐公次為太僕少卿李公李楷法師歐顏而

徐公草書出於顛素枝山先生武功外孫太僕之壻也早歲楷筆精謹寔師婦翁

而草法奔放出於外大父蓋兼二父之美而自成一家者也李公嘗為余言祝壻

書筆嚴整而少姿態蓋不及見晚年之作耳

珊瑚網

希哲書學精工自急就以速虞趙上下數千年變體罔不得其結構若羲獻真行

懷素狂草尤臻筆妙

顧璘國寶新編

京兆楷法自元常二王永師秘監率更河南吳興行草則大令永師河南狂素顛

旭北海着山豫章襄陽靡不臨寫工絕晚節變化出入不可端倪風骨爛熳天真

縱逸直足上配吳興他所不論也

藝苑厄言

枝指山人書如縣裏鐵如印印泥

容臺集

祝先生天資卓越臨池之工指與心應腕與筆應故其所學罔不逼真即草草數



行亦必動符軌則

錢允治少室先生藁

唐寅

唐寅字伯虎更字子畏吳人戊午試應天府錄為第一人往會試時有富子載與俱北既入試有仇富子者抨於朝言與主司有私并連子畏黜掾於浙藩歸心佛氏自號六如治園舍北桃花塢日般飲其中

祝允明唐子畏墓志

伯虎書入吳興堂廡差薄弱耳

弁州山人藁

都穆

都穆字玄敬吳縣人弘治己未進士歷禮部主客郎中加太僕少卿七歲能詩及長泛濫羣籍奉使至秦中搜訪金石遺文摹搨繕寫作金薤琳琅錄

列朝詩集

文奎

文奎徵明兄字徵靜後以字行別字靜伯有田在陽城沙湖之間因號雙湖居士讀書善筆札聰明彊解達於事理平生氣義自勝不為貴勢訕折

莆田集

文徵明

文徵明名璧以字行更字徵仲長洲人以世本衡山號衡山居士貢至京師授翰林待詔少拙於書刻意臨學亦規模宋元既悟筆意遂悉棄去專法晉唐其小楷雖自黃庭樂毅中來而溫純精絕虞褚而下弗論也隸書法鍾繇獨步一世生平雅慕趙文敏公每事多師之論者謂詩文書畫雖與趙同而出處純正若或過之

徵明初游郡學時學官以嚴厲束諸生辨色而入張燈乃散諸生皆飲噓嘯歌壺

奕消暑徵明獨臨寫千文日以十本為率書遂大進

名山藏

公於書未嘗苟且或答人簡札少不當意必再三易之不厭故愈老而愈益精妙

有細入豪髮者或勸其草次應酬曰吾以此自娛非為人也李文正公東陽以篆

自負及見公隸曰吾之篆文生之隸蔑以加矣

黃佐衡山文公墓誌銘

徵仲常自負隸法則不尚古人而歉於篆然余得其千文一本亦在吳興堂廡也

藝苑卮言

文太史自書所作七言律皆閑牕日課乃爾端謹如對客揮毫不以耗氣應想見

前輩風流

容臺集

待詔小楷行草深得智永筆法大書倣涪翁尤佳評者云如風舞瓊花泉鳴竹澗

書史會要

文彭

文彭字壽承號三橋待詔徵明子也少承家學善真行草書尤工草隸咄咄逼其

父以諸生久次貢授秀水訓導擢國子助教於南京

王世貞吳中往哲像贊

先生字學鍾王後效懷素晚年則全學過庭而尤精於篆隸索書者接踵不斷往

太史翁以書名當代然有時不樂書雖權貴人不敢強先生手不停揮求者無不

當意

許穀文國傳墓誌銘

文彭篆分真行草並佳體體有法並自成家不蹈父跡才似勝之工力遠不及父

詹氏小辨

文嘉

文嘉字休承彭之弟也其書不能如兄工而畫得待詔一體以諸生久次貢授烏

程訓導權和州學正

王世貞吳中往哲像贊

嘉小楷輕清勁爽宛如瘦鶴稍大便疎散不結束運寸行書亦然皆不逮父

詹氏小辨

王同祖

王同祖字繩武

朱謀聖云號前峰

崑山人文太史甥為詩清麗有唐人風善草隸二十四薦

南宮明年始廷試改翰林授編修終國子司業

兪州續彙

蔡羽

蔡羽字九遠居吳之洞庭山因自號林屋山人工屬文能為歌詩正行書亦遒勁

間臨蘭亭十七帖人或從旁指擿其離者曰不然吾非臨右軍吾乃教之為諸生

與文待詔齊名貢入太學授南京翰林孔目

王世貞吳中往哲像贊

蔡書以禿筆取勁姿盡骨全

王世貞三吳楷法跋

蔡林屋行押書道美有逸韻

六研齋筆記

王守

王守字履約號涵峰吳縣人為諸生時與其弟寵俱工藝文筆札之事而名不如弟成進士授南昌府推官入為吏科給事中終右副都御史

王世貞吳中佳哲像贊

王守書倣李懷琳

書史會要

王寵

王寵字履仁後字履吉

莆田集云別號雅宜山人

為邑諸生累試輒不利貢入太學詩好建安三謝

及盛唐文學遷固甚似之書始摹永興大令晚節稍稍出己意以拙取巧婉麗道

逸為時所趣幾奪京兆價

王世貞吳中佳哲像贊

衡山之後書法當以王雅宜為第一蓋其書本於大令兼之人品高曠故神韻超

逸迥出諸人上

何良俊四友齋叢說

陳淳

陳淳字道復後以字行別字復甫號白陽山人長洲之大姚村人從太史衡山文

公遊涵揉磨琢器業日進凡經學古文詞章書法篆籀畫詩咸臻其妙稱入室弟

子巡撫都御史陳公知君精於篆法開館禮聘俾書五經周禮鏤板置學名益大

震

張寰白陽先生墓志銘

道復正書初從文氏欲取風韻遂成媚側行書出楊凝式林藻老筆縱橫可賞

苑庵言

陳淳小篆瀟灑而勁詹氏小辨

錢穀

錢穀字叔寶師文太史家故貧以好客故益貧室無長物太史題其楮曰懸磬因自號磬室手錄古文金石書幾萬卷善書行法者山篆法二李小楷法虞歐每得其妙於法外識者以為真有渴驥奔猊漏痕折釵之勢然為畫掩世罕知者馮元成

集

王韋

王韋字欽佩王世貞云號南原金陵人弘治乙丑進士改庶吉士授吏部主事擢河南提學

副使以母老乞休加太僕少卿馮元成集

王欽佩真草清雅有法金陵瑣事

王逢元

王逢元字子新列朝詩集云欽佩之子也楷法元常草法逸少父子詹氏小辨

顧璘云王子新英年過起遂擅海內書名或者議其真書稍肥余謂莊重沉著脫

去佻巧獨得鍾王遺法顧璘息園存彙

逢元書初學王右軍永禪師晚出入山谷老人金陵瑣事

王韋父子俱善書人遂以大令呼子新江寧府志

徐霖

徐霖字子仁南京人篆登神品餘若真行皆入精妙碑版書師顏柳題榜大書師  
詹孟舉並絕海內日本使臣得者什襲為珍武宗南巡召見行宮兩幸其宅子仁  
故長髯武宗手剪之以為拂子因自號髯翁名山藏  
霖好堆墨書神采爛然詩書死厄言

徐子仁九歲作大書操筆成體正書出入歐顏大書初法朱晦翁幾亂其真後喜  
趙松雪筆力遒勁布搆端飭成一家書至於篆字得法於異人更造閩奧西涯李  
相國白巖喬太宰時號篆聖見則以為不及金陵瑣事

篆法久微自周伯琦後惟李文正東陽遠續其緒霖躬詣堂室蚤尚雄麗晚益樸  
古殆登神品松江志寓賢傳

### 葛澣

葛澣字希淵號秋泉四明人僑居南昌能篆書時徐霖在金陵徑往訪之語以誤  
從偏傍者數事霖敬服遂相友善書史會要

### 李夢陽

李夢陽字獻吉續書史會要  
云號空同系出開封籍慶陽弘治六年進士授戶部主事擢郎中

武宗時謫布政司經歷起江西提學副使為古文詞與何景明徐禎卿邊貢顧璘

鄭善夫陳沂朱應登康海王九思號十才子名山藏

王世貞云嘗見李先生寫七尺碑大有頗平原筆王世貞國朝名賢遺墨跋

何景明

何景明字仲默朱謀聖云號大復山人信陽人年十九舉進士授中書舍人武宗時為陝西提學

副使名山藏

景明書做李長沙而指小滯王世貞國朝名賢遺墨跋

徐禎卿

徐禎卿字昌穀蘇州人仕至國子博士幼精文理不由教迪長宿驚歎稱為文雄

專門詩學成一家之言國寶新編

禎卿詩甲海內而書極少行筆適雅在文蔡間兪州山人稿

顧璘

顧璘字華玉金陵瑣事云號東橋上元人舉進士方弱冠敏贍嗜學多交名侶嘉靖中為南京

刑部尚書詩篇清麗文辭雅質多傳於世名山藏

華玉書翩翩有晉人意兪州山人藁

璘善行草筆力高古書史會要

東橋真草皆清徹可愛金陵瑣事

顧璘

顧璘字英玉華玉之從父弟也正德甲戌進士授南京工部主事歷官河南副使

罷歸素蕭然無以給昕夕臨街一小樓扁曰寒松訓蒙童數人以自給列朝詩集

英玉真草皆有晉人風味 金陵瑣事

鄭善夫

鄭善夫字繼之閩縣人初為戶部主事劉瑾用事告歸築少谷草堂巖居六載起為禮部員外郎復告歸嘉靖改元薦起吏部郎中 名山藏

善夫署書傲晦翁而自得 五雜俎

善夫書法入神真行斟酌聖教狂草奔放縱橫爛熳顛素而下弗論也 書史會要

陳沂

陳沂初字宗魯後字魯南鄆人正德十二年進士改庶吉士除編修嘉靖中以行

太僕卿致仕少好蘇氏學自號曰小坡與顧璘王韋稱金陵三俊 名山藏

沂書學蘇長公旁及篆隸繪事皆稱能品 金陵瑣事

孫一元

孫一元字太初不知何許人自稱曰關中人好老氏書辭家入太白山因號太白

山人工為詩與名流倡和 劉麟清惠公集

太初性喜學書 書史會要

景暘

景暘字伯時金陵人正德戊辰舉進士第二人授編修仕至左中允南京國子司

業工行書尤善小篆與周伯琦埒為文以意勝詩蕭散有致 焦竑澹園集



胡纘宗

胡纘宗字孝思一字世甫

未謀聖云號可泉又號也齋

秦安人正德戊辰進士授簡討歷官右副都

御史列御紀

纘宗書法筆力清勁古雅唯乏風韻耳書史會要

楊慎

楊慎字用修新都人正德辛未舉會試第二廷試第一授翰林修撰兩上議大禮

疏謫戍雲南嘗醉胡粉傅面作雙丫髻插花諸伎擁之游行城市諸酋以精白綾

作襪遺諸伎服之酒間乞書醉墨淋漓諸酋輒購歸裝潢成卷列朝詩集

慎以博學名世書亦自負吳興堂廡王世貞國朝名賢遺墨跋

孫承恩

孫承恩字貞甫別號毅齋松江人正德辛未登進士考庶吉士授編修以禮部尚

書致仕贈太子太保謚文簡書法遒勁無纖媚態叅之古意尤多環溪集

汪必東

汪必東字希澮崇陽人正德辛未進士遂於經史能為古文詞善草書累官河南

叅政湖廣總志

孫紹祖

孫紹祖字遠宗號我山廣德人正德辛未進士官至中允工書法為時所尚書史會

張潮

張潮字惟信號亭溪更號玉溪內江人正德辛未進士改庶吉士授編修終禮部

尚書能詩文尤工楷書

分省人物考

常倫

常倫字明卿澤州沁水人正德辛未進士仕大理評事以詩名書瀟灑遒勁直與

晉爭上下

書史會要

胡松

胡松字茂卿號承菴績溪人正德甲戌進士官至工部尚書行草流俊有法

弁州山人

人彙

虞守隨

虞守隨字惟貞正德甲戌進士特授四川御史謫州判善真行草書號茂巖

周士英

義烏縣志

顧可久

顧可久字與新別號洞陽無錫人正德甲戌進士拜行人左遷國子學正嘉靖初

拜戶部員外郎終廣東按察副使好染翰作鍾王書盡得其髓

皇甫汈司勳集

林達

林達字志道號愧吾名山藏云林俊子正德甲戌進士歷官南京吏部考功郎中工篆隸能

詩文柯維騏續蒲陽文獻

王廷陳

王廷陳字稚欽黃岡人正德丁丑進士選庶吉士解館拜吏科給事中出為裕州

知州呂元音黃岡縣志

稚欽書法故不必成就而翩翩自賞死有徵仲中年以前筆兪州續彙

林黼

林黼字質夫號石峰閩縣人通篆籀登正德丁丑進士授大理評事分省人物考

張孚一

張孚一號雲川弼之孫正德丁卯領鄉薦知建陽縣喜作小楷或署書咸工莫如忠

崇蘭館集

孫存

孫存字性甫滁人正德進士仕至河南左轄書法以清媚見稱書史會要

楊應奎

楊應奎字文煥益都人正德間進士授仁和尹徵兵部主事轉禮部員外郎博覽

羣籍工右軍書法馮惟訥青州府志

成周

金琮

金琮字元玉金陵人嘗遊浙之赤松山愛其佳徘徊不能去因自號赤松山農善書初法趙子昂晚年學張伯雨精工可愛文待詔極喜之得片紙皆裝潢成卷題曰積玉 列朝詩集

元玉家有極高明樓每夜學書然燭一枝月然三十枝寒暑無間 金陵瑣事

金魚

金魚字慕楨 子珠書得家學筆力稍軟 金陵瑣事

劉穉孫

劉穉孫字復孺 劉昌孫蘇州志云號七芝居士文待詔以兄之子妻之字學蘇省山尤工秦漢篆名擅

一時 吳縣志

朱治登 胡師閔

朱治登胡師閔並師文待詔書法待詔遺蹟世所珍藏大半二人之筆 王穉登筆記

朱貞孚

朱貞孚與文徵明同時為景寧教諭書畫兼美 名山藏

彭昉

彭昉字寅之初有盛名選擇為吏南粵舉止多輕躁不能其官罷歸初年少游於

文徵仲之門名日以著所為詩若文一時靡焉向風爭相慕書跡遒勁貴於時續文獻通考

王朝佐

王朝佐字邦翰晉江人能詩善書畫文徵明見而賞歎曰此人生在泉州可謂黃

金與土同價陶書

謝承舉

謝承舉字子象初名濬字文卿儲柴墟在南考功引與同社累十舉不第退耕國

門之南自號野全子息園存案

謝驥九子象出於蘇黃兩家筆力清硬金陵瑣事

顧元慶

顧元慶字大有長洲人以圖書自娛間游戲翰墨瀟灑夷曠得作者遺意故居隸

川後徙通安里規大石塢為壽藏因自號大石山人瞿文懿公集

顧元慶好古法書嘗作瘞鶴銘考云其師南濠先生家藏碑刻甲於東南錄其文

悉皆品題為金薤琳瑯凡數十卷獨恨此銘為山僧所匿乃放舟京口冒雪渡江

始得於山石之下親搨以歸由是復傳人間書史會要

沈仕

沈仕字子登自號青門山人岳岱曰翰墨丹青游藝王道思序其詩云顧東橋以

為江湖詩人第一流 列朝詩集

嚴賓

嚴賓字子寅一字鶴丘金陵人字法米帖能詩及畫所蓄古法書名畫頗多往來

東橋衡山諸公之門 江寧府志

楊珂

楊珂字汝鳴餘姚諸生從王文成學隱居秘園山養母以孝聞為詩瀟灑不羣書

得晉人筆法 紹興志

楊珂初亦習二王後益放逸柔筆疎行了無風骨所謂南路體也 藝苑卮言

王洪

王洪字宗範海鹽人容貌修偉能書攻詩善談吐游陽明先生門 海鹽縣志

張詩

張詩 列朝詩集 北平人自號崑崙山人學詩文於何景明與諸豪俊交遊倡和重於

都下為文雄奇變怪覽者不敢以今人待之字書放勁得其一幅揭之壁間可以

驚人亦足驅鬼 名山藏

李祐

李祐字宗吉別號三川安定人善大書草書 何大復集

張含

張含字愈光保山人少舉於鄉不樂仕進游梁宋間為李夢陽所知與楊慎友善  
雲南通志

張畱山晚年好縱筆作草書不師法帖殊自珍詭  
皇明世說新語

林鉞

林鉞字宏用晉江人官南戶部郎中出守太平與關西呂柟相友善詩能書  
閩書

周梁石

周梁石撫州太守書效朱文公體甚奇偉  
楊廉文恪公集

陶楷

陶楷字文式號菊亭秀水人平生購奇書蓄名畫甚富吟詩作文思致雋永真草

書得古人筆意  
楊廉文恪公集

董宜陽

董宜陽字子元號紫岡復號七休居士上海人屢試不第遂棄舉子業專攻詩古

文詞楷書法虞永興行草法僧智永顧司寇璘文待詔徵明許奉常穀皆推獎之

松江志

高澂

高澂字宗呂侯官人  
見畫家傳早歲善屬詞不樂舉子業孤潔一世知名海內善隸草八

分  
名山藏

楊黼

楊黼雲南太和人素好學工書善篆籀庭前有大桂樹縛板樹上題曰桂樓偃仰其中躬耕數畝以供甘旨註疏孝經數萬餘言皆小古篆作字片硯硯乾欲下桂樓取水硯池中忽已盈矣自是為常人謂孝感

名山藏

瞿汝臣

瞿汝臣號古村

瞿景淳父見畫家傳

贈翰林編修字類沈度

瞿文懿公集

張鉞

張鉞字寶之苦愛歐陽真帖暇則臨之敝筆積者種種故字學多可觀

朱曜玉洲集

朱正

朱正字守中長洲人正德初以名醫徵字畫秀潤知者珍愛之

懷星堂集

陸平

陸平字以和別號竹坡

陸深父

松江上海人善筆札真行草書皆有晉唐人風致

儼山文集

集

宋顯章

宋顯章字文光號藻汀濮人以孝行著正德時人稱宋孝子作字用草竹筆體畫

遒勁自成一家

書史會要

宋顯章工草書善臨古帖

王汝訓東昌府志



崔深

崔深字靜伯吳江人正德中以字學薦授中書舍人

萬姓統譜

朱端

朱端字克正海鹽人

見畫家傳

正德間以畫士直仁智殿亦善書

書史會要

司馬伯通

司馬伯通弘正間傑材也草書倣聖母帖仕業亦豪俊其詩多清豁

徐文長集

杜君澤

杜君澤號小癡姑蘇人

見畫家傳

善楷書嗜酒流寓高郵

國繪寶鑑續纂

李泉

李泉字光遠號柯耕衢之西安人

見畫家傳

工楷書授禮部司務

畫史會要

李穆

李穆字元載吉之泰和人官南樂訓導罷閒後蹤跡多在荆楚間因以寄寄為號

所作真行篆隸諸書學者爭藏去以為法

羅欽順整卷存彙

陳世英

陳世英上虞人通尚書史記善楷法

震澤集

詹貴

詹貴字存中休寧人行書似蘇子瞻而酷似子由其法趙承旨亦宛然似之

詹氏小

蔣能

蔣能號竹坡道人長洲人精小楷古篆由歲貢官福建鹽運使司經歷改長蘆俱有政績陸全蔣翁墓碣

林焯

林焯字惟大閩縣人工署書逕丈逾佳福州志

林焯署書學松雪而少勁五雜組

張煒

張煒字德南閩縣人官刑部郎善詩工署書得法於朱晦翁而參以己意其所題識至逾尋丈莫不極天然之趣五雜組

諸夏

諸夏號彪湖能法書古文詞與海內名公游陳繼儒書畫史

吳楚

吳楚休寧人善草書製墨得李廷珪遺法文待詔嘗記其墨法為神品徽州志

王時任

王時任字澤民華州人好酒工書王維禎槐野先生存簡蒙

黃源

黃源清流人由舉人爲汝寧教授能文善書多有述作伍晏汀州志

丘山

丘山字安重莆田人知瑞安縣擢監察御史終雲南按察副使雅妙書法刻石崖

州大忠祠一時重之閩書

林渠

林渠莆田人宿州同知工書閩書

羅敲

羅敲思南水德司人好吟詩工書大字至二尺楷法可觀田秋思南府志

朱唐

朱唐姑蘇人善小楷流寓汴梁凡碑銘皆唐書之李天麟祥符縣志

柴世需

柴世需字元功陽穀人以詞賦名尤善真草隸書選入中祕纂修國史遷工部員

外郎黃承玄安平鎮志

徐潮

徐潮字以同居洞庭西山好學不倦詩章字畫迥出流輩吳縣志

馮濟

馮濟字子舟能詩善書吳縣志

錢潤

錢潤字惟霖性高曠喜近林藪與善詩者為吟社詩溫麗可誦書倣宋仲溫常熟志

嚴雍

嚴雍常熟人有隱節工篆隸常熟志

嚴芸

嚴芸字允芳雍子善大書篆隸有家法常熟志

張奉

張奉字伯承張丑跋文徵明少峰圖云右文太史贈大父少峰圖一方其後大父

撰述二篇宗老伯承用隸古書之各得漢魏唐人遺風清河書畫舫

何翠谷

何翠谷雲間人業於醫登鄉舉其書翰深得晉唐氣態書畫史

王德明

王德明武宗時人明陳先生學政序碑正德六年知嘉善事清苑王德明書鄉衡嘉興志補

李士實

李士實字若虛江西豐城人成化丙戌進士正德中為右都御史附逆濠伏誅列

卿紀

士實書瘦險醜怪而一時聲甚著藝苑卮言

傅亨

傅亨號芝山工小楷篆隸書史會要

章寶臣

章寶臣號丹崖官祥符縣尉能書書史會要

張節

張節官禮科給事中能書書史會要

張士寔

張士寔官中書舍人能書書史會要

徐澄

徐澄官中書舍人能書書史會要

許伯貞

許伯貞官鉛山縣主簿善楷書書史會要

陸顧

陸顧官主簿善書書史會要

潘謙

潘謙官中書舍人能書書史會要

鄭公佐

鄭公佐官澠池尉能書書史會要

陳謨

陳謨字古訓江西南昌人官給事中善書書史會要

楊士廉

楊士廉號思夷常熟人工草書斲琴雕漆亦皆能之皇明書畫史

范紳

范紳字朝儀號節齋嘉定人真行宗聖教亦善隸書書史會要

陳宣

陳宣字以昭號桂軒嘉定人善章草宗宋仲溫書史會要

金勉

金勉字希賢松江人官中書舍人善行楷書史會要

陸勉

陸勉字懋成號竹石無錫人善書書史會要

周文棗

周文棗永嘉人舉進士官河南布政使善楷書書史會要

何暹

何暹松江人官按察使工書法 書史會要

凌壽

凌壽錢唐人官大理評事工篆隸 書史會要

柳濟

柳濟字孟淵德化人善楷書 書史會要

佩文齋書畫譜卷第四十三

書家傳二十二

明四

李時

李時字宗易任丘人弘治壬戌進士改庶吉士嘉靖三年進侍讀學士陞禮部

侍郎歷少傅兼太子太師吏部尚書華蓋殿大學士贈太傅謚文康 列卿紀

明資福寺碑嘉靖初山西按察使司僉事錢俊民撰書之者禮部左侍郎任丘

李時也 日下舊聞

夏言

夏言字公謹貴溪人少警敏能屬文尤長筆札正德丁丑舉進士嘉靖十五年

為吏部尚書華蓋殿大學士隆慶初賜謚文愍 列卿紀

文愍以才雋居首揆天下重其書貞珉法錦視若拱璧正行亦道美但肥過而

滯老過而稚耳榜著書尤可觀藝苑危言

顧鼎臣

顧鼎臣字九和崑山人弘治乙丑舉進士第一授修撰嘉靖中為禮部尚書武

英殿大學士贈太保謚文康列卿記

王世貞國朝名賢遺墨有顧鼎臣書兗州續藁

許纘

許纘字廷美河南靈寶人弘治丙辰進士嘉靖中為吏部尚書文淵閣大學士加

少傅平生寡慾於古稀之年猶作細楷政暇閱經史典籍老而不倦贈少師謚文

簡列卿記

張治

張治字文邦茶陵州人七歲揮墨成巨字稍長諸史百氏靡不綜貫正德庚辰舉

進士第一入翰林為庶吉士嘉靖二十八年以禮部尚書兼文淵閣大學士贈少

保謚文隱列卿記

徐階

徐階字子升松江志云號少湖更號存齋華亭人嘉靖初及第第三人授翰林編修累遷吏部尚書

建極殿大學士贈太師謚文貞名山藏

公名臣不擬以詩翰名然亦自穩密王世貞國朝名賢遺墨跋



嚴訥

嚴訥字敏卿常熟人嘉靖二十年進士授編修四十四年以吏部尚書兼武英殿

大學士贈少保謚文靖工文善書分州續集

文靖好習鍾王書陳瓚濟美堂集

嚴澍

嚴澍字道時文靖公第三子長於書偶得虞永興米南宮真蹟臨池竟日忘倦往

往得兩家之妙邑之慧日寺殿榜道時筆也筆勢飛動識者賞其逸韻瞿汝稷同卿集

嚴澤

嚴澤字道溥文靖公子仕中書舍人神宗見澤書稱善人多寶之常熟志

嚴濟

嚴濟字道行文靖公子善書得曹娥碑筆意常熟志

嚴濟書學鍾元常而多姿態好寫佛經乞者如市李維楨大泌山房集

秦金

秦金字國聲無錫人弘治癸丑進士嘉靖二年為戶部尚書六年為南京兵部尚

書贈少保謚端敏列卿紀

崇壽寺碑大學士費宏撰戶部尚書秦金書行國錄

羅欽順

羅欽順字允昇泰和人弘治癸丑進士授編修嘉靖六年為吏部尚書贈太子太

保謚文莊 列卿紀

王世貞國朝遺墨有羅文莊公欽順書 兗州續葉

顧清

顧清華亭人弘治癸丑進士嘉靖中為南京禮部尚書謚文僖 列卿紀

顧文僖公書與羅文莊公筆俱清勁 兗州續葉

朱希周

朱希周字懋忠其先崑山人徙居吳初釋褐為翰林修撰累遷南京吏部尚書 列卿紀

嘉靖四年任 贈太子少保謚恭靖 王世貞吳中往哲像贊

公生平不作一行草筆書極謹細 王世貞國朝名賢遺墨跋

劉麟

劉麟字元瑞號南坦饒州人家金陵弘治丙辰進士嘉靖七年為工部尚書致仕

好樓居力不能營索文徵明繪神樓圖字之曰高明所集古詩十六題以自況書

法宗義獻尺牘片簡人爭寶之 李默劉南坦小傳

劉司空書醇古簡足可矚今人好奇作異之病 墨林快事

周倫

周倫字伯明別號貞菴崑山人弘治己未進士官至南京刑部尚書 列卿紀云嘉靖己丑改刑部尚書

贈太子少保謚康僖善大書有眉山豫章風骨

王世貞吳中往接陳寶

康僖公性嗜書善行草今刑部壁有其書識者謂似山谷

崑山人物傳

周用

周用字行之號白川吳江人弘治壬戌進士拜行人司行人孝宗時為吏部尚書

贈太子少保謚恭肅

世經堂集

公喜為詩動盈卷帙書法俊逸

列朝詩集

劉節

劉節

宋謀聖云字介夫世稱梅國先生

大庾人弘治乙丑進士嘉靖十一年為刑部右侍郎

列朝紀

劉節書做顏魯公

書史會要

湛若水

湛若水字元明初名露字民澤避祖諱改今名居廣之增城甘泉都學者稱甘泉

先生從游陳白沙以斯文屬之弘治乙丑進士選庶吉士授編修嘉靖中為兵部

尚書

洪垣甘泉先生墓志銘

若水做陳白沙天然不及也唯署書差有骨

藝苑卮言

魏校

魏校字子才號莊渠崑山人弘治乙丑進士世廟初以太常少卿監國子祭酒謚

恭簡著六書精蘊

分省人物考

太常卿莊渠魏公常著六書精蘊因古文以正小篆之偽又參大篆及擇小篆之可者以補古文之闕

陸瑯峩齋文集

顧應祥

顧應祥初名夢麟字惟賢長洲人家吳興舉進士授饒州府推官累遷南京刑部

尚書

列御紀云嘉靖三十年任

贈太子少保詩似白少傅書似趙吳興

弁州山人筆

陸深

陸深字子淵號儼山華亭人弘治乙丑舉進士改庶吉士授編修嘉靖中為詹事致仕贈禮部侍郎謚文裕書法妙逼鍾王比於趙松雪而道勁過之

夏言桂洲文集

唐錦儼山陸公行狀云國初吾松多以書學名天下久已絕響公近奮起遂凌躐前人而處其上張電以書學際遇實出公所指授識者謂公趙文敏後一人非諛

詞也

龍江集

陸文裕自言吾與吳興同師北海海內人以吾為取法於趙是意不安於趙也究論其風力實出吳興之上

莫廷韓集

陸宮詹以書名家雖率爾作應酬字俱不苟且曰即此便是學字何得放過

董其昌

畫禪室隨筆

陸深真草行書如鐵畫銀鈎道勁有法頡頏北海而伯仲子昂一代之名筆

雲間志

略

邵銳

邵銳仁和人正德戊辰進士改庶吉士授編修嘉靖十一年為太僕寺卿謚康僖

列御紀

王世貞國朝名賢遺墨有邵銳書 弁州續藁

周金

周金字子庚號約菴武進人徙南京正德戊辰進士擢給事中嘉靖時為南京戶

部尚書善字書有晉人風骨贈太保謚襄敏 唐順之荆川文集

許成名

許成名字思仁聊城人正德辛未進士選庶吉士授編修嘉靖初為禮部左侍郎

書初學逸少已沉酣吳興小變之適逸飛動甚為海內鑒賞 分省人物考

成名作真行筆頗簡勁然結構疎而醜 藝苑卮言

韓玉

韓玉字廷瑞通許人舉於鄉拜郟城知縣棄官歸稱寄傲子嗜古詩奇字嘉靖二

年七十歲矣尚作蠅頭楷字即片紙未見一畫苟也 李夢陽空同集

徐江山

徐江山字六橋錢塘人正德辛未進士官尚寶卿工真草法世宗愛其書御製詩

文必命江山書之 杭州志

許宗魯

許宗魯字伯誠咸寧人正德丁丑進士選庶吉士嘉靖中為右僉都御史終太常

少卿以善書名海內王庭咸寧縣志

宗魯書有聖教遺意藝苑卮言

徐獻忠

徐獻忠字伯臣號長谷華亭人徙居吳興嘉靖乙酉舉於鄉知奉化縣謝政歸葺

舊廬治梅圃讀書其中真草書法蘇趙松江志

伯臣本非當家用筆圍圍而時吐鍾意王世貞三吳楷法跋

張文憲

張文憲字廷鑑及山人流寓桐鄉七歲工八法孝宗召試乾坤二大字稱旨令讀

書翰林院嘉靖癸未舉進士終工部尚書桐鄉志

豐坊

豐坊字人叔號南禺外史鄞人列朝詩集云字存禮改名道生字人翁嘉靖二年進士除禮部主事為人逸出法紀外而書學

極博五體並能諸家自魏晉以及國朝靡不兼通規矩盡從手出蓋工於執筆者

也以故其書大有腕力特神韻稍不足詹氏小辨

豐考功晚瘁而跌株連臂於書不無少妨徐文長集

坊家藏古碑刻甚富臨摹亂真為人擬定法書以真易贗不可窮詰列朝詩集

坊草書自晉唐而來無今人一筆態度唯喜用枯筆乏風韻耳

書史會要

### 徐蘭

徐蘭字芳遠號南塘其先餘姚人後徙鄞為郡諸生累舉不第遂潛心書法正書師鍾繇宣示表行草師王獻之授衣天寶節過鷺還等帖皆淳古道勁度越流俗尤精六書考究點畫正其訛謬作古文奇字得邊魯生筆法八分初法蔡邕淳于長碑不失矩度而晚年參以己意時人謂其書與程南雲並馳遠近求者無虛日蘭亦高自矜負間有挾勢位使輿隸致之輒白眼叱去曰吾豈祇役者邪人以此益重之

張時徹寧波府志

徐蘭與豐坊同時好作隸字不師漢人而師宋廬陵朱協極蘇學嘗有協極所書敬齋箴石刻字畫無法俗惡可厭後之人乃有好之如徐氏者亦其所遭然也

金

蘇琳瑯

### 蘇若川

蘇若川字君楫休寧人受筆法於文待詔及南禺外史其書得外史為多徑寸草

書臨二王清灑可愛

詹氏小輯

### 馮世雍

馮世雍字子和一字三石江夏人嘉靖癸未進士博學工書及詩古文辭由吏部

郎中出為杭州知府調徽州

湖廣通志

王慎中

王慎中字道思號南江更號遵巖王世貞云晉江人嘉靖丙戌進士授戶部主事為古文詞

與唐順之陳東輩號八才子仕至河南參政名山藏

慎中行草亦道逸而不諳八法未脫塵氣藝苑危言

馬呈道

馬呈道號南江嘉靖二年貢士四體俱工極有書學金陵瑣事

楊儀

楊儀字夢羽常熟人嘉靖五年進士授工部主事以山東按察副使移疾歸構萬

卷樓多聚宋元舊本名人墨蹟鼎彝古器之屬江左推為博雅常熟志

王世貞國朝名賢遺墨有楊儀書弇州續藁

袁掣

袁掣字尚之吳縣人晚耕謝湖之上因以自號博學善屬文尤長於詩書法入米

元章之室蘇州志

袁袞

袁袞字永之號昏臺第舉進士列朝詩集云嘉靖丙戌進士選庶吉士左官刑部主事改兵部論戍

湖州袞工文章精筆札而湖當山水間諷誦著述傳遠近雖在戍而名益重起南

武部主事遷廣西提學僉事楊循吉吳中往哲記



永之詩名噪一時無能舉其書者而書却有風態可賞

弁州續藁

### 袁尊尼

袁尊尼字魯望袁子文待詔引為忘年交性善書書亦在能品嘉靖乙丑成進士授刑部主事以山東提學副使致仕歸

吳縣志

### 顧聞

顧聞字行之吳縣人舉嘉靖戊子鄉試上公車輒不利寄傲詩歌號九峻山人

蘇州志

聞才華瑋麗鋪序豐長至於淦翰人並稱美

岳岱今兩瑤華

### 羅洪先

羅洪先字達夫吉水人嘉靖八年進士廷試第一人授修撰進左春坊贊善罷黜家居閉關習學求端性命有時能前知事贈光祿少卿謚文恭

名山藏

藝苑卮言

### 唐順之

唐順之字應德一字義修武進人嘉靖己丑會試第一人授兵部武選主事改翰

列朝詩集

林院編修用胡宗憲薦超拜僉都御史巡撫淮揚謚襄文  
順之書王明齋卷云明齋以古文書六十四卦名遺余而索余為之草書舊詩於冊用以相報草書出東漢芝象以後昌黎氏鄙之以為俗書逞姿媚者也君惠我

以科斗韻氏太古之書而余乃報之以效近俗姿媚之書其不相稱甚矣 荆川文集

王雷

王雷字明齋 書史會要作王應電字昭明 崑山人博學勵行嘗取古文諸書正小篆之謬名曰同文

備考 四經念菴集

王明齋精史韻氏之學嘗以古文書六十四卦名以還科斗之舊 荆川文集

沈愷

沈愷字舜臣別號鳳峰華亭人嘉靖己丑進士授刑部主事穆宗時以太僕少卿

致仕書做張顛有龍蛇飛動之勢 松江志

吳子孝

吳子孝字純叔別號海峰晚更號龍峰長洲人嘉靖己丑進士選為翰林庶吉士

出為湖廣右參議字學虞歐稍變戈法 皇甫汈司勳集

王問

王問字子裕學者稱為仲山先生常之無錫人嘉靖壬辰進士授戶部主事歷車

駕郎中擢廣東按察僉事行至桐江徘徊不欲去賦詩十二章投劾而歸築亭於

湖濱寶界山焚香讀易興至則為詩文或行草書數紙用自娛說人稱其書類米

芾又類黃涪翁 王錫爵文肅公集

問有高名作行草及署書無所師承而風骨遒勁渴筆縱體往往與醉翁亭記法

張合

張合字懋觀永昌府人十六舉鄉試第一壬辰登進士歷湖廣副使性嗜學手不釋卷善書畫權貴造請輒謝却之

雲南通志

陳壇

陳壇字山甫別號宅平又稱紫微居士嘉靖壬辰進士官至湖廣右參政詩文爾雅書法亦精嘗為人跋智永千文後江陵聞而欲得之或持贗帖求跋壇曰昔人謂孔光不識進退字張禹不識剛正字許敬宗不識忠孝字柳宗元不識節義字今江陵兼之寧識我字邪竟不為跋

陳有年忠介公集

方元煥

方元煥字晦叔山東人

列朝詩集云嘉靖甲午鄉貢

作行草自矜以為雄偉有力而疎野粗放署書

稍勝

藝苑卮言

潘德元

潘德元字鄰玉崑山人領嘉靖甲午鄉薦仕至應天府治中能詩兼工書翰為歸太僕所稱

列朝詩集

吳山

吳山高安人嘉靖十四年及第第三人末年為禮部尚書

名山藏

祐聖觀碑大學士餘姚李本撰禮部尚書高安吳山書

涿水亭雜識

### 張瀚

張瀚字子文別號元洲仁和人嘉靖乙未進士官至吏部尚書謚恭懿書法大令

智永最喜為人書

馮夢禎快雪堂集

### 陳鳳

陳鳳字羽伯

存徵錄云號玉泉又號元舉

金陵人嘉靖乙未進士官至陝西參議與許仲貽齊名列

朝詩集

陳羽伯行書筆筆晉人

金陵瑣事

### 許穀

許穀字仲貽

存徵錄云號石城

上元人嘉靖乙未會試第一人官至南京尚寶司卿

上元志

仲貽工行書

金陵瑣事

### 莫如忠

莫如忠字子良號中江華亭人嘉靖戊戌進士授南繕部主事累官浙江布政書

法以二王為宗尤工草書勢若龍蟠虎臥

松江志

如忠行草風骨朗朗亦善署書

藝苑卮言

董其昌云吾鄉莫中江方伯書學右軍自謂得之聖教序然與聖教序體小異其

沉著逼古處當代名公未能或之先也予每詢其所由公謙遜不肯應及見王右

軍官奴帖真跡儼然莫公書始知公深於二王畫禪室隨筆

中江書法自右軍大令而下不廢夫李處州趙承旨殘行斷楮人莫不奪之木蟲魚之口而襲之篋笥之腹唐文獻占星堂集

### 莫雲卿

莫雲卿初名是龍後以字行改字廷韓別號後朋又號秋水方伯子良之子也補郡博士弟子攻詩古文書法無所不窺而獨宗羲獻宗米楷宗鍾繇於畫宗黃大癡然亦極意做摹不輕落筆何三畏漱六齋全集是龍小楷精工過於婉媚行草豪逸有態藝苑卮言

### 陳塗

陳塗字子兼別號雨泉吳縣人嘉靖戊戌進士除工部營繕主事累官至四川右布政使詩文冲遠有致書法尤精絕牋疏榜署得者以為榮申時行賜開堂集

陳塗工小楷出入鍾歐自行草擘窠以逮榜署書尤豐媚道逸有天然趣弁州續

葉

雨泉於書法為最工小楷篆隸出入晉唐其他行草及方尺以上豐媚綽約有驚

鴻游鵠之態茅坤鹿門集

雨泉善行草尤工榜署書姑蘇名賢小紀

### 陳爾見

風之齊書畫譜 卷四十三 書家傳二十二 三 同文圖書館印

陳爾見盞子亦能書 申文定公集

吳維嶽

吳維嶽字峻伯 朱謀聖云號睿案 孝豐人嘉靖戊戌進士以僉都御史巡撫貴州 列朝詩集

維嶽正行取豐媚而少道勁 藝苑卮言

馮惟重

馮惟重字汝威號芹泉廣寧人嘉靖戊戌進士授行人工詩善書 余繼登澹然軒集

陸師道

陸師道字子傳號五湖長洲人嘉靖戊戌成進士拜都水主事改儀部入直內閣

以母老乞歸起為尚寶少卿師事待詔刻意為文章及書畫皆入能品 姑蘇名賢小記

師道工小楷及古隸 馮元成集

陸子傳全得麻姑壇法而以色澤傳之遂為一時書家冠 王世貞三吳楷法跋

陸安道

陸安道師道弟亦善書 弇州續藁

王穀祥

王穀祥字祿之長洲人嘉靖己丑進士改庶吉士授工部主事轉吏部文選員外

郎乞歸家居二十年隆慶初起南吏部不受美姿容善書畫詞致清雅鈔錄古文

籍至數百千卷咸精好令人不忍觸手人以書畫求者不輒應一室之內琳瑯金

薤謚如也 馮元成集

穀祥書傲晉人不墜右軍大令之風篆籀八體並臻妙品 皇甫汈司勳集

許初

許初字復初一字元復以縣學生序貢授教職書法師二王尤工篆籀譽重公卿

間擢南京太僕寺主簿遷漢陽府通判 吳縣志

許初工小篆莊整而秀兼善楷草 詹氏小辨

初頗自高伉不屑下人有文學工大書不輕與人書 萬姓統譜

沈應元

沈應元字子春常熟人五六歲能作徑尺大書嘉靖庚子舉人 蘇州志

黃文梯

黃文梯沙縣人學問該博善古文詞工草書嘉靖庚子舉於鄉知餘干縣改保昌

延平志

吳達

吳達字近光號雲泉新淦人嘉靖己丑進士授兵部主事終四川按察副使長於

歌詞草書 羅念菴集

陸樹聲

陸樹聲字與吉號平泉華亭人嘉靖己丑進士選庶吉士授編修隆慶中為禮部

尚書稱病乞歸 馮元成集

樹聲曰余晚年知慕八法然衰老指腕多強復懶放不能抑首臨池每屈意摹倣

拙態故在 清暑筆談

### 邢一鳳

邢一鳳字羽伯一字雉山嘉靖辛丑進士第三人為翰林編修累官侍講遷太常

少卿左遷參政罷歸小篆師徐子仁 周詩江寧縣志

### 張寰

張寰字允清崑山人登嘉靖辛丑進士知濟寧州陞刑部員外郎至通政司右參

議致仕歸惟以圖史自娛臨摹法書揮翰竟日不倦 震川集

### 皇甫濂

皇甫濂字子約 列朝詩集云一嘉靖甲辰進士除工部主事謫河南布政理問遷興化

同知投劾不赴家居好養生家言省撰述惟詩不廢間臨晉唐人帖皆臻佳妙 蘇州志

### 朱曰藩

朱曰藩字子价 朱謀聖云寶應人舉嘉靖甲辰進士為烏程令終九江知府常閉戶

讀書素工筆札門外持縑素求詞翰者纒纒不絕 歐大任崑山集

九江頗臨晉法書絕喜祝希哲而以已意出之婉秀瀟灑絕有姿態而結法失之



疎 藝苑卮言

羅汝芳

羅汝芳字惟德南城人學者稱為近溪先生登嘉靖甲辰進士仕至雲南大參小

楷有鍾元常筆法 書史會要

周思兼

周思兼字叔夜號萊峰華亭人嘉靖丁未進士授平度知州超拜廣西提學副使

私謚貞靖先生善行草 松江志

周紹元

周紹元字希安思兼子隱居藻里工八分精篆刻 松江志

周裕度

周裕度字公遠紹元子工楷篆 松江志

張天復

張天復字復亨山陰人登嘉靖二十六年進士仕至行太僕卿博洽工文亦善書

紹興志

馬一龍

馬一龍 朱謀聖云字負圖號孟河 溧陽人嘉靖丁未進士為南京國子司業 列卿紀

一龍用筆本流迅而乏字源濃淡大小錯綜不可識拆看亦不成章 藝苑卮言

一龍法素師聖母文頗得筆法

詹氏小辨

一龍作字懸腕運肘落管如飛頃刻滿幅自謂懷素以後一人然評者謂其奇怪

為書法一大變

書史會要

羅鹿齡

顧起綸國雅云  
號海岳金壇人

書師馬一龍稍變為圓美而多作俗筆

藝苑死庵言

馬汝僊

馬汝僊字誠望

金陵瑣事  
云號鷺汀

江寧人嘉靖壬子領鄉薦任慶元令書法逼右軍

江寧府志

誠望刻意聖教序幼年者佳

金陵瑣事

周思久

周思久字柳塘麻城人嘉靖癸丑進士任瓊州守抗志希古品詣卓犖其治行見

稱於海剛峰工詩善書法

湖廣通志

王可大

王可大字元簡嘉靖癸丑進士初授刑曹出補瓊州轉台州知府書法趙松雪大

數寸者尤佳

江寧府志

胡汝嘉

胡汝嘉字懋禮號秋宇嘉靖癸丑進士官編修隸書師鍾元常草書師張伯英崔

子玉嘗取三人書之在閣帖者從宋搨本手摹刻之

江寧府志

秋字得意之筆酷似枝指生

金陵瑣事

胡懋禮書為金陵名品行草出二王父子隸書規模元常大令古雅中天趣溢發

澹園集

### 魏學曾

魏學曾字惟貫號確菴涇陽人嘉靖癸丑進士授戶部主事歷兵部尚書兼副都御史文宗司馬子長書宗晉俱得其逸趣

分省人物考

### 晁東吳

晁東吳字叔泰開州人嘉靖癸丑進士改庶吉士善搨古書法每自心得偶臨作趙松雪書散置卷中見者莫能辨

潘仲驤大名府志

### 郭斗

郭斗字應秀雲南府人嘉靖癸丑進士歷浙江左轄致政歸賦詩作書構小樓於進耳山扁舟往來會心自適者十餘年

雲南通志

### 姚汝循

姚汝循字敘卿江寧人嘉靖丙辰進士知杞縣擢南刑部主事出守大名左遷桂陽同知知嘉定州

江寧府志

汝循善真行書

續說郛

### 張橋

凡

六百三

書家傳二十二

三五

同文圖書館印

張橋字衡如雲南府人嘉靖己未進士授水部主政擢寧夏兵備僉事罷歸精心墳典自六經子史旁及真詮釋典稗官小說靡不研究尤精書法至今得其隻字爭寶之雲南通志

戚元佐

戚元佐字希仲珊湖網云號中岳秀水人嘉靖壬戌進士仕至尚寶卿長於詩文又善書畫

沈堯章嘉興府志

戚中岳精楷法與文徵仲頡頏六研齋筆記

沈玄華

沈玄華字邃伯嘉興人嘉靖壬戌進士杜門著述善飲左持觴右執卷伊吾至丙

夜字法趙松雪仕至南京大理寺卿項元廡秀水志

張嶺

張嶺字子謙世家盱城南金斗窠別號斗陽工古文詞及真草書嘉靖戊辰成進

士為蘇州府通判鄧元錫潛學齋

章公美

章公美字道華吳人嘉靖進士官四川憲副書倣祝京兆書史會要

潘恩

潘恩字子仁華亭人嘉靖癸未進士累官南京工部尚書改都察院左都御史贈

太子少保謚恭定 竺江集

嵩嶽道中詩嘉靖丙辰華亭笠江潘恩書 嵩陽石刻記

徐文溥

徐文溥初名鳳更名溥字可大自號岳峰又號夢漁數歲善草書後成進士嘉靖

時官廣東憲副 書史會要

連鑛

連鑛字伯金號白石更號明山永年人文追先秦詩步盛唐字法端勁如其為人

嘉靖丙戌進士選庶吉士仕至都察院右副都御史 分省人物考

華鑰

華鑰字德啓別號水西無錫人嘉靖癸未進士授戶部主事終職方郎中嘗筮易

得賁白之明夷更號白賁子博學明諸經文章精健古詩似魏晉律似杜書法似

虞柳 鄭曉瑞簡公文集

左國璣

左國璣字舜齊大梁人嘉靖中舉於鄉性嗜酒作詩賦古文出語輒驚人字畫適

勁奇古 分省人物考

梁懷仁

梁懷仁字宅之晉江人生而慧絕週歲識字三歲誦書四歲善草書吟詩子史經

傳無不能讀十六頁禮部二十登嘉靖己丑進士奉命賜歸娶授南吏部驗封主事居三月死年二十三

閩書

### 蔡一槐

蔡一槐字景明晉江人嘉靖己未進士除戶部郎出為湖廣僉事遷廣東參議善

小楷行草

閩書

### 吳元恭

吳元恭字仲內嘉靖乙卯舉於鄉六上公車不第潛心六藝百家尤喜圖史丹青  
鼎彝以自娛工書得右軍之法常寄跡僧舍混於田夫野老中人莫之識也

申時行

賜詞堂集

### 王問臣

王問臣字正叔號郊川嘉靖間進士累官吏部文選員外郎書善行篆

長洲志

### 曾喬

曾喬字子木號六柱生長於古文詞善草書有晉人之致嘉靖中以貢為潯州推

官轉路南州知州

伍讓衡州府志

### 張景賢

張景賢眉州人世廟時為右僉都御史博古好奇詩文書法俱妙絕一世

四川總志

### 林應禧

林應禧錢唐人林章子能世其家學以楷書儒士授鴻臚寺序班與修武宗實錄  
累官順天府丞

杭州志

楊子亨

楊子亨字履卿號南溟華亭人嘉靖乙酉舉於鄉為順天府推官終工部郎中楷  
書行書摹擬北海

松江志

白悅

白悅字貞夫號洛原武進人少從陽明王先生學嘉靖壬午舉順天鄉試官至尚  
寶司丞為古文歌詩行草小楷皆有法意興所到濡筆引紙往往屈其坐人

世經堂

梁典

梁典字惇伯順德人嘉靖中舉於鄉為南康通判博古工詩翰喜談名理今得其  
隸書者競珍之

分省人物考

朱俊格

朱俊格代簡王之裔孫也嗜學善屬文聚書數萬卷尤好古篆籀墨蹟手模六十  
餘卷勒石名崇理帖

書史會要

朱致槻

朱致槻益陽王寵淄季子也封鎮國將軍覽涉書史善為章草

李維楨大泌山人集

朱拱杓

朱拱杓號白賁瑞昌王孫封奉國將軍嘉靖時上大禮頌一章賜勅褒獎行草得

晦翁體格名重一時書史會要

朱多燬

朱多燬字宗良號貞湖一號密菴拱杓從子封鎮尉博雅好修以辭賦名草書宗

孫虔禮筆法茂美書史會要

彭年

彭年字孔嘉號隆池吳人以文行舉為郡諸生尋謝病免書初法晉人已為楷其

小者信本大者清臣行草則子瞻王世貞吳中往哲像贊

顧德育

顧德育初號少潛晚稱安雅生吳縣人抱甕灌蔬以資朝夕暇則垂簾焚香跌坐

尤好讀書得異本必手抄至數十百冊詩法岑嘉州字法鍾太傅馮元成集

德育書法酷似徵仲唯老密處有別耳王世貞三吳楷法跋

陸中行

陸中行字伯與華亭人慕陽羨山水遷陽羨未幾遷姑蘇事文太史與顧德育

彭年善吳人目為三高書法大令每得乞書錢即付酒家多則斥之馮元成集

黃姬水



黃姬水字淳父長洲人五岳山人省曾之子也生而幼敏山人出入必攜之俱有所占屬每令同賦五岳拙於書命淳父學書於祝京兆遂傳其筆法

列朝詩集

陸治

陸治字叔平號包山長洲人

見畫家傳

隱支硎治圃不出善行楷

書史會要

周天球

周天球字公瑕號幼海長洲人少遊文待詔門下習爲書法待詔亟許可之曰他日得吾筆者周生也及籍諸生不喜治帖括獨好古文辭日夜切劘久之其業乃成書法亦日有名爲吳人所宗

于慎行穀城山房集

公瑕善大小篆古隸行楷皆模範文太史晚能自得蹊徑一時豐碑大碣無不出其手

馮元成集

太師張文忠公要公瑕至長安以布衣書金匱之首簡欲言於上官之禁近逡巡謝歸歸而其名益顯重

弁州續集

王穉登

王穉登字伯穀先世江陰人移居吳門十歲爲詩長而駿發名滿吳會間妙於書及篆隸吳門自文待詔歿後風雅之道未有所歸伯穀振華啓秀噓枯吹生擅詞翰之席者三十餘年閩粵之人過吳門者雖賈胡窮子必蹇門求一見乞其片縑尺素然後去

列朝詩集

王伯谷隸書道古大勝真草

游居錄

張鳳翼

張鳳翼字伯起長洲人與其弟獻翼燕翼並有才名吳人語曰前有四皇後有

三張老於公車善書晚年不事干請鬻書以自給

列朝詩集

伯起平生臨二王最多退筆成冢雖天趣小竭而規度森然

弁州山人藁

張獻翼

張獻翼字幼干

王世貞云初名鵬翼字仰舉一名教

鳳翼之弟棄諸生不就試以詩豪七子中負性高

舉行事駭凡俗楷書不入法而澹遠之氣令人意消

書史會要

張燕翼

張燕翼字叔詒鳳翼獻翼之弟偕鳳翼領鄉薦亦善書

弁州續藁

文肇社

文肇社字基聖號鴈峰國博公彭長子十試有司不售就選上林苑錄事詩文

草隸髣髴國博公

文氏族譜

王山

王山字靜之號海槎華亭人能醫補醫學正科家多藏書所為詩及楷書行草皆

出入諸體妙契精奧

世經堂集

孫得原

孫得原字本卿別號鴈洲楷宗顏平原八分法鍾太傅小篆做李丞相詩句出入陶謝元白諸家操行甚卓縉紳雅重之

何三畏漱六齋全集

孫克弘

孫克弘字允執號雪居文簡公承恩子

見畫家傳

以父任為應天治中擢漢陽知府正書

做宋仲溫八分宗秦漢

松江志

談志伊

談志伊字思重

見畫家傳

歷官中府經歷字學曹娥碑

無錫志

項元淇

項元淇字子瞻別號少岳補諸生尋遊南太學謁選得上林錄事雅非其好為古文辭時逼秦漢詩更雋永好臨摹法書小楷嚴整尤工草聖

快雪堂集

項元汴

項元汴字子京樵李人好收金石遺文圖繪名蹟凡斷幀隻行悉輸其門所與游皆風韻名流翰墨時望如文壽承休承陳淳父彭孔嘉豐道生輩或把臂過從或遺書問訊久而彌篤書法出入智永趙吳興號墨林居士

卷堂集

項德純

項德純名穆以字行墨林子官中祕書法擅長與少岳齊名

秀水志

德純書於晉唐名家罔不該會而心慕手追者逸少稍稍降格亦不減率更令故

其於蘭亭聖教必日摹一紙以自程督雖猛熱竺寒不暫休頓著書法雅言上下千載品第周瞻進乎技矣

沈思孝陸沉漫筆

### 俞允文

俞允文字仲蔚崑山人少工臨池久而益擅之小隸駸駸歐柳而上登吳興堂行書出入楮河南稍縱之則米襄陽八分自謂得西嶽碑體以方韓蔡茂如矣

弇州讀

葉

### 盛時泰

盛時泰字仲交號雲浦金陵人行書學米學蘇可謂絕妙小楷學倪元鎮

唐氏小辨

仲交隸字更優有玄牘記一冊品題古今名帖

金陵瑣事

### 陳芹

陳芹字子野家金陵弱冠舉於鄉與盛仲交諸人結青溪社謁選知奉新縣調寧

鄉

列朝詩集

陳芹寫章草亦斐然

唐氏小辨

子野法鍾王俊逸可愛

金陵瑣事

### 顧源

顧源字清父世居金陵少豪雋不羣詩與書畫皆不泥古法其論書曰書須古法四分已意六分乃妙不然縱筆筆似古終成奴書不足貴也

上元志

源號丹泉更號寶幢居士書法李懷琳

書史會要

顧寶幢清父法孫過庭筆力道勁古雅

金陵瑣事

姚澗

姚澗字元白

金陵瑣事云號秋圃

力學好古游情翰墨居秦淮上闕市隱園日與名賢賞詠其

中文徵明有題市隱園詩

詩宗大曆書法趙黃弱冠入太學謁選授鴻臚

江寧府志

姚秋澗元白行書出入於黃山谷趙松雪兩派而得於松雪者為多

金陵瑣事

徐渭

徐渭字文長

渭自為志銘曰初字文清山陰志曰號天池生

山陰人為邑諸生胡少保宗憲督師浙江招致幕府

管書記行草書精偉奇傑嘗言吾書第一詩二文三畫四識者許之其論書主於

運筆大槩昉諸米氏云

陶望齡歌菴集

文長喜作書筆意奔放如其詩蒼勁中姿媚躍出在王雅宜文徵仲之上不論書

法而論書神誠八法之散聖字林之俠客也

袁宏道中郎集

沈明臣

沈明臣字嘉則鄞縣人為博士弟子胡少保宗憲督師平倭偕徐渭辟置幕府嘗

譙將士爛柯山上酒酣樂作請為饒歌十章援筆立就少保命刻石置山上

列朝詩

集

沈明臣善書

唐氏小辨

陳鶴

陳鶴字鳴埜一字九臯山陰人穎悟絕羣年十餘已知好古置奇帙名帖窮日夜誦覽十七襲其祖軍功官得百戶鬱鬱負奇疾棄其所授官著山人服其所作為古詩文若騷賦詞曲草書圖畫能盡效諸名家間出己意工贍絕倫徐文長集鶴真書得晉人位置法頗有韻第太肥乏鋒穎自云出鍾太傅其徑四五寸以上者勁秀絕倫草效狂素亦枯硬結構未密紹興志

蕭翊

蕭翊字汝臣號雲萊子性絕聰明亦絕疎落鹵莽薄世俗有物外想不喜舉子業獨喜秦漢古文老莊諸子仙釋經錄及古書法以故楷甚精徐文長集

黎民表

黎民表字惟敬從化人嘉靖間鄉貢進士選入內閣為制勅房中書舍人仕終布政司參議隸書師文待詔得其家法列朝詩集

民表篆隸行草俱入妙品書史會要

黎民懷

黎民懷字惟仁民表弟嘉靖乙丑膺歲薦廷試後遽拂衣歸絕意仕進詩清曠閑逸不減王孟書繪出入晉宋時稱三絕廣東通志

黎邦琰

黎邦琰民表之子舉進士歷官布政司參政亦能其父書而小楷法王大令雅秀而潤

詹氏小辨

林承芳

林承芳字開先民表之甥舉進士授翰林編修學舅各體似之

詹氏小辨

方登

方登字嘯門建業人慕孫登之為人故以為名及字愛治城林木幽邃即其麓家焉自號樵城子書摹雲麾間為小詩以自適

列朝詩集

徐令

徐令號榆菴善書魏恭簡公校極重其品

吳中人物志

張遜業

張遜業字有功別號甌江永嘉人張文忠公敬孚子以恩入太學官至太僕寺丞詩歌宏麗又能縱筆為行草

兪州山人藁

吳南

吳南號方塘崑山人世宗時中書中格官鴻臚左降江西建昌府幕官

震川集

梁孜

梁孜王世貞云字思伯別號羅浮山人人稱之曰浮山

大學士梁儲孫官禮部主事能詩善書

名山藏

梁孜楷書得文徵仲結法

廣東通志

張允孝

張允孝更名初字太初人稱貞白先生少游文徵仲之門工六書長於詩晚居沙

岡不踏城市 松江志

章文

章文字簡甫後以字行長洲人楷法絕類文待詔兼工鐫刻待詔所書石非簡甫

刻石不快 弁州續葉

章藻

章藻字仲玉簡甫之子能習父業書法尤精 弁州續葉

吳錦

吳錦字有中休寧人受筆法於許元復書各體俱能分書入妙幾遍文待詔號六

松山人 詹氏小辨

張電

張電字文光號賓山上海人書宗李北海有煙飛霧結之形楷字以二沈為模亦

稱妙品夏文愍公見其書而賞之以儒士薦於朝受知世廟供奉館局官至禮部

侍郎贈工部尚書 松江志

張電以布衣入都受知世廟其得君甚專嘗命書古賦一篇電書完即歡飲大醉

上遽召內侍掖之而行上視所書賦甚悅見其醉狀連呼酸子而已遣之歸 松故述



電學書於陸文裕能通其祕筆法宗李北海而規模沈氏首為楊遂菴夏桂洲所稱

書史會要

雷書極圓熟妍美所取顯重者特姜氏體耳

藝苑卮言

浦澤

浦澤字時濟號小癡上海人有慕逸民之風終身不娶嘗晉唐古帖無不臨摹窮其波磔之妙以能書著名一時

松江志

浦澤少與張電學書於陸文裕

書史會要

張拙

張拙字汝吉能詩善篆隸隱居不仕陸文裕公引為社友

松江志

張思

張思字永思博學善楷書與徐文貞公為文字交

松江志

曹學

曹學字行之號太狂蜀人嘉靖初客遊滇西性豪放能詩草書遒勁性嗜酒居榆之中中和峰日繫錢與壺於驢背遣入城市酒人知為曹之驢也取錢貯酒復遣而歸後同楊慎寓居蒙

雲南通志

顧亨

顧亨字汝嘉長洲人行草篆隸並入能品真楷為一時之冠以書事肅皇帝歷官

至太常寺丞 皇甫汭長洲志

嘉靖三年上命夏言撰顯靈宮碑顧亨書丹上嘉其書法令附名於碑 張邦奇四友亭

集

### 陸九州

陸九州字一之號修吉無錫人嘉靖初為博士弟子善書 書史會要

### 王如

王如字玉如號闡西烏鎮人性狷介能安貧工書法嘉靖中授四夷館通事舍人

與豐坊友善 張圖真烏青文獻

### 王國相

王國相晉江人嘉靖二十五年舉於鄉官知縣善書法得蘇黃體 歐大任清源文獻

### 徐樞

徐樞邵武人嘉靖間為雷州通判工書法善吟咏 閩書

### 趙性魯

趙性魯字師曾樂清人以善書受知世宗授鴻臚寺序班進大理寺副 王繼明温州府

志

### 吳君懋

吳君懋字德懋別號高河寧陽人嘉靖貢士官順慶府判工篆籀行草 書史會要

鄭文賢

鄭文賢字宗儒福安人嘉靖十九年貢士博學善詩賦尤精書法仕湖廣布政司

都事

閩書

唐世美

唐世美號月樓武進人草書窮極奇變開闢閃縮上逼懷素詩歌有唐人風嘉靖

中年七十餘詔賜冠帶

荆川文集

李鳳

李鳳祁州人嘉靖中為象山訓導博學能書坐齋舍中日肅諸生課講多所發明

張時徹寧波志

李惟柱

李惟柱號本石京山人領鄉薦嘉靖中為常熟教諭書宗顏魯公

蘇州志

冀孚

冀孚遂平人為陝西寧夏訓導工楷書

王致和遂平志

蘇洲

蘇洲號雪蓑道人杞縣人幼落魄江湖嘉靖中寓居章丘工琴善草書

山東通志

洲作方丈以外大書濃瀋數斛信手飛步倏忽而成矯健有勢

藝苑卮言

張書紳

張書紳

與蘇州同時

行草似方元煥而少加圓利

藝苑危言

談相

談相禾人世宗朝命書望月亭書法嫌犯避者屢矣相依六書正譌從亡從月從  
壬為望字遂擢中書

黃承璉海寧志

張廣

張廣字秋江無錫人

見畫家傳

善書畫嘉靖中徵入京待詔內庭

無錫志

李孟楨

李孟楨字子吉汝陽人為濟陽訓導學朱晦翁書逼真其墨跡遺士夫家視為拱

壁

李宗延汝陽志

徐松年

徐松年字貞甫曹縣人長於詩文真楷草隸縱橫自得

錢達道曹縣志

錢仲

錢仲字子仲慈溪人善詩歌精篆籀學有李陽冰筆意嘗游陸詹事深文待詔徵  
明之門嘉靖戊子應六書試仲居首選發史館修錄大學行義書成授中書舍人

張時徽寧波志

李麟

李麟字應禎號西藪江陵人讀書善解悟尤工字書得子昂體為王族館甥授儀

賓 荆川集

康學詩

康學詩字伯正華亭人以春秋舉鄉試為饒州府推官好讀書工詩能署書

弇州山人

葉

陸旅攜

陸旅攜初名應節更名鳴僕為諸生有聲輒試不利乃益讀左史諸書又好為詩

工於書 弇州山人葉

王樗全

王樗全初名鼎字康生太倉人書法健利有致晚得鍾太傳受禪碑習之至忘寢

食以故於八分尤精 弇州山人葉

沈文楨

沈文楨字時幹鄞人家芙蓉江上足魚蟹興至輒釣因自號漁江工書能作方丈

大字 弇州山人葉

沈大中

沈大中歸有光卅有堂記云沈大中以善書名里中及為歌詩意灑然不俗也

震

川集

木青

木青號松鶴木公恕之曾孫也能詩善書

列朝詩集

梁桂茂

梁桂茂善八分書官臨安知府

江寧府志

黃珍

黃珍字懷季書學徐九峰能亂真

江寧府志

宋椿

宋椿字子元號沙衢善屬文尤精大字草書人咸稱重可追羲獻

鄭之亮臨淮縣志

唐成

唐成字惟敬號天慵子詩有晚唐風書得晉人筆意嘗構蒲竹清居蓄名帖古畫

終日吟玩

王應麟鎮江志

錢寶

錢寶字文善號復齋詩多藻思工小楷行書又精於醫

鎮江志

韋椿

韋椿字大年丹徒人究心理學無復宦情工於詩善行草初師索靖後更學眉山

考亭

鎮江志

林天駿

林天駿字守良嘉靖間人官膠州知州小篆學李斯

福州府志

夏霏

夏霏字德潤海鹽人好詩工篆隸海鹽圖經

成希名

成希名山陰人三歲即能誦古人詩五六歲漸及書史屬文尚奇古工草書善鼓

琴刑名術數無不通曉年十四卒孟洋有涯集

郭岱

郭岱華州人書顏體有名籍禮部儒士王維楨存笥藁

周仕

周仕字用賓號草岡廬陵人吉安府志正德八年鄉舉為工部主事為古文詩歌不道唐宋以下語又多識

篆籀工書法難字稱引艱僻不可流誦羅念菴集

任傑

任傑字漢臣華州人能詩文善楷書謝去諸生誦讀書史終身不忘韓邦奇北苑集

甘彥

甘彥字士美永新人嘗構屋叢竹之間自懋於學人稱之曰竹屋先生詩得唐體

字得顏體鄒守益東廓遺藁

華恩

華恩字承之號愚坦書法宗沈大理篆隸行草種種有體張袞水南文集

孫官

孫官字德懋平湖人能為古文辭楷書甚道勁大字亦雄俊有神采

鄭端簡公集

陸昞

陸昞字華甫隱居畢澤因號畢淵少從文徵明遊書畫得其遺意尤工於詩

常熟志

何錞

何錞字子端號言山常熟諸生性好書得即鈔較朱黃不去手工書法有石刻金

剛經行世

常熟志

羅輅

羅輅字木夫山原人善詩楷書宗顏氏皆有法度

羅念菴集

顧瑤

顧瑤字士輝號蘊菴揚之通州人為博士弟子尋入太學七試竟不第遂厭棄舉

子業縱觀經史百家為文學馬遷詩宗李杜書倣晉宋諸名家尤識古文奇字贈

都察院右副都御史

賜聞堂集

顧從義

顧從義字汝和上海人性好石嘗得米元章研山而寶之遂以為號肅皇帝詔選

善書者入殿直應試稱旨拜中書舍人直文華殿擢大理評事楷書遍鍾尚書行

草宗右軍父子徑尺大字則倣顏平原趙承旨摹勒諸帖有淳化閣帖閣帖釋文



十七帖張旭煙條帖右軍蘭馨帖柳公權蘭亭玉泓館蘭亭

松江志

姚章

姚章字尚綱詩有陶謝風書法宗黃魯直

松江志

林應龍

林應龍字翔之永嘉人精於篆隸為印局大使

王繼明温州志

王埜

王埜字貞翁山陰人築室臥龍山南教授自給號蛻巖道人為詩冲澹自得書法

逼趙吳興

山陰志

王儀

王儀字汝儀自稱古鐵生詩法陶孟字法懷素即之

海鹽圖經

朱俸

朱俸字思廉海鹽人攻字學得六書大旨做管夫人書七十二篆金剛經人多珍

重

海鹽圖經

王文禎

王文禎海鹽人善行草挾詩卷游齊魯間老為衡府記室

海鹽圖經

陳言

陳言字國楨無錫人

見畫家傳

書做曹娥

無錫志

吳應卯

吳應卯字三江祝允明外孫習允明書輒能亂真無錫志

吳三畏

吳三畏字常惺無錫人能詩工作懷素草書薦授武英殿中書嘗作錫山遺響十

二卷無錫志

汪徽

汪徽字仲微婺源人詩極壯麗工八分書性傲岸時以方盧次梗云徽州志

莫拙

莫拙嘉靖時人善草書任餘福安吉州志

余重謨

余重謨將樂人善飛白大者如蓋宗考亭東坡法楷草似祝枝山陳白沙海內傳

寶賈之延平志

康誥

唐誥昆明人出著破鞞人稱康破鞞好讀書性嗜酒善洞簫書法祝允明居嘗以

玉屑和泥置袖中團弄陶作硯堅潤類未央銅雀人名康硯亦不多作貴介求之

終不可得雲南通志

胡介

胡介字汝方工小篆筆法道勁舉戊子鄉試知鄒平縣調祁陽

林雲程通州志

江恩

江恩字世祿襲職為千戶日臨二王帖數過又嗜書輒手錄之諷誦不輟

林雲程通

州志

張惟正

張惟正號野雲鄞人隱於耕稼工漢隸義獻行草書法為詩瀟灑出羣

張時勳之園

集

彭燦

彭燦字玉瑩號海漁工六書碑軸多出其手

田樞全椒志

俞憲

俞憲字汝成號是堂無錫人官至按察使善署書

書史會要

張德讓

張德讓字士美號西岳華亭人為郡諸生好吟咏工真草書宗李北海師陸文裕

公悉授以祕訣遂成名筆莫方伯中江亦推重焉後跂足作病鶴賦以自況

松江志

賈澄

賈澄字本清掖人涉書史工顏帖筆力道勁知登封縣

趙耀萊州志

張懋英

張懋英貴州平越衛人性孝工書博學能文

黔記

林大楨

林大楨字及甫初名宅遠晉江人爲平陽教諭書蒼勁有黃山谷之致喜爲人書

日貯墨汁以應人求

閩書

周鯤

周鯤莆田人官江西按察副使工文翰精書法

閩書

方洪

方洪莆田人善楷書

閩書

陳壽徵

陳壽徵以字行莆田人工數體書尤善八分

閩書

陳自然

陳自然壽徵子爲四會令亦工書

閩書

浦博

浦博嘉定諸生善楷隸

楊曰嘉定縣志

周光

周光字韜叔吳人書出陳道復

王世貞三吳楷法跋

程大倫

程大倫字子明吳人書法全摹徵仲

王世貞三吳楷法跋

毛文煥

毛文煥字豹孫書亦楚楚

王世貞三吳楷法跋

張堯民

張堯民字從仁治毛詩累舉不第善字法

鄧穀常熟志

高松

高松字守之號南崖又號我山文安人

見畫家傳

能書兼真草篆隸大字甘貧不仕

畫史會

要

劉傳

劉傳字良習號月川含山人

見畫家傳

詩文書法不為近習

畫史會要

陳裸

陳裸字誠將初名瓚字叔裸吳縣人

見畫家傳

亦善楷書

牛若麟吳縣志

吳昂

吳昂嘉靖二十六年李春芳榜進士題名碑禮部尚書顧可學撰文大理寺左寺

正吳昂書

六館日鈔

吳應鳳

吳應鳳嘉靖二十九年唐汝楫榜進士題名碑吏部尚書李默撰文大理寺右評

事吳應鳳書

六館日鈔

王槐

王槐嘉靖三十二年陳謹榜進士題名碑禮部尚書徐階撰文山東布政司參議

王槐書

六館日鈔

顧從禮

顧從禮嘉靖三十八年丁士美榜進士題名碑吏部左侍郎郭朴撰文中書舍人

顧從禮書

六館日鈔

叢恕

叢恕嘉靖四十一年徐時行榜進士題名碑大學士知制誥袁煒撰文大理寺右

寺正叢恕書

六館日鈔

程道南

程道南嘉靖四十一年選善書人禮部儒士程道南等百人重錄永樂大典一部

命高拱張居正等校理之

世宗實錄

李中

李中嘉靖四十四年范應期榜進士題名碑大學士嚴訥撰文大理寺左評事兼

翰林院侍書李中書

六館日鈔

金光初

金光初字玄子江寧人隆慶丁卯舉於鄉仕爲奉新令補永平遷安縣

周詩江寧縣志

光初善真行書

續說郭

黃猷吉

黃猷吉

詹氏小辨云字仕貞

山陰志

顧大典

顧大典字道行吳江人隆慶戊辰進士官至山東按察副使工書

吳江志

湯煥

湯煥字堯文

朱謀聖云號鄰初

無倦色獨不可以金帛致後徵爲翰林待詔轉郡丞吳越間比之文待詔焉

江陰志

煥書楷學虞行學趙草學懷素並入能品

詹氏小辨

鄭夢禎

鄭夢禎字開甫別號龍山福清人隆慶庚午舉於鄉除寧晉教諭擢南國子助教

爲蘄州知州酷愛草書學懷素大得神解

葉向高蒼霞草

許光祚

許光祚字靈長與湯煥同郡得其書法時人號曰湯許舉於鄉知太平縣

杭州志

張應雷

張應雷字思豫號順齋金谿人隆慶辛未進士授湖州府推官多著作工韻語兼

善書畫

撫州志

吳僑謙

吳僑謙字汝亨號文臺臨川人隆慶辛未進士官至按察僉事善大書

撫州志

李登

李登字士龍上元人隆慶初以選貢充太學生授新野令精六書之學直探其奧

江寧志

李登善真行草鍾鼎小篆

續說郛

李登行書學聖教序結構不失小篆學嶧山碑於鍾鼎文尤妙說者以為豐南禺之後一人

金陵瑣事

常信

常信字國寶世居常之江陰家貧攻苦力學不少怠精考六書南宮以書學校士國寶為第一人隆慶改元授南印局使晉撫州照磨

澹園集

章國舜

章國舜字伯玄號秀南新昌人隆慶改元貢入太學選得闈之政和令書法喜顏

蘇工漢隸獨不好為草書

馮伯諶虛舟草

梁辰魚

梁辰魚字伯龍崑山人以詩及行草名嘉隆間

書史會要



吳自成

吳自成隆慶二年羅萬化榜進士題名碑大學士李春芳撰文尚寶司少卿兼翰  
林院侍書吳自成書 六館日鈔

尹校

尹校大興縣題名記光祿少卿新安尹校書隆慶四年立 函山旅話

徐繼申

徐繼申隆慶五年張元忬榜進士題名碑大學士申時行撰文太僕寺少卿兼司

經局正字徐繼申書 六館日鈔

佩文齋書畫譜卷第四十四

書家傳二十三

明五

申時行

申時行字汝默號瑤泉吳縣人嘉靖壬戌賜進士第一累官少師兼太子太師吏  
部尚書中極殿大學士贈太師謚文定 吳縣志

時行廷試時上見所對策詞札兼美親擢第一 分省人物考

文定善真行草書有賜閒堂帖行世 葉向高蒼霞草

王錫爵

書家傳二十三  
同文圖書館印

王錫爵字元馭焦滋澗園集云號荆石太倉人嘉靖壬戌進士萬曆十二年以禮部尚書兼文淵閣大學士進太子太保史部尚書建極殿大學士謚文肅列卿紀

學士自挹不主墨池盟筆法秀穎依稀有翡翠蘭苕狀弁州續彙

文肅深於書書尤深於唐碑晚年猶懸碑刻滿四壁特不欲以書名耳容臺集

文肅書小楷清整秀勁大可徑寸者尤骨重脈和特為合作婁堅學古緒言

王衡

王衡字辰玉號縱山文肅公子戊子順天舉首辛丑會試第二廷試亦如之授編修劭令清舉飄飄若霞外人詩文有權度銖兩書法出顏平原蘇省山省公集

辰玉雖不沾沾論書乃眼白一世鮮所許可其天骨既爾秀絕而盤旋唐晉間工

力兼至或以為學蘇子瞻子瞻實不能盡辰玉也容臺集

編修君天授既優工力日深小自指頂而上至徑可二寸皆極媚好更饒風骨又

大而四五寸或大至尺餘皆不煩繩削而趣溢出更假之年直可追躡北宋名蹟

學古緒言

王家屏

王家屏字忠伯大同山陰人隆慶戊辰進士歷官禮部尚書文淵閣大學士贈少

保謚文端分省人物考

顯皇帝嘗命講臣書扇王文端家屏書訖誤用私印竄滅其跡上問故諭文端復

顯皇帝嘗命講臣書扇王文端家屏書訖誤用私印竄滅其跡上問故諭文端復

顯皇帝嘗命講臣書扇王文端家屏書訖誤用私印竄滅其跡上問故諭文端復

用私印而手擇十扇畀文端書每呼爲王黑子

王劔尊聞

### 王世貞

王世貞字元美

朱諱聖云 號鳳州

太倉人嘉靖二十六年進士授刑部主事萬曆中爲南京

刑部尚書贈太子少保

名山藏

元美雖不以字名顧吳中諸書家唯元美一人知法古人

詹氏小辨

世貞書學雖非當家而議論翩翩筆法古雅

書史會要

### 王世懋

王世懋字敬美別號麟州又號損齋或曰牆東生舉進士官至南京太常少卿專

精古文辭餘事乃及筆札

弇州續藁

世懋書無俗筆多從晉帖中流出

書史會要

敬美書右軍分甘青李二帖摩詰鞞川疏東坡種橘帖弇州謂用黃庭小法出入

洛神

孫鑄居業編

### 袁福徵

袁福徵字履善號太冲華亭人嘉靖甲辰進士授刑部主事左遷南陽王長史與

王元美李于麟並馳海內文法顏延之詩宗杜工部行草倣蘇端明

松江志

### 王泮

王泮字宗魯

山陰志云 號積齋

山陰人嘉靖乙丑進士萬曆中爲湖廣參政居官廉潔焚香靜

坐若禪室詩辭冲雅書法道麗有其家右丞右軍之致

分省人物考  
山陰志

王泮書宗二王善小楷大幅草書如龍蛇夭矯世皆寶之

### 張元忬

張元忬字子蓋別號陽和其先蜀人徙家山陰隆慶辛未進士第一人授翰林修

撰萬曆中為左諭德兼侍讀

李氏續藏書

李元昭岫嘯山房記張元忬撰行書

珊瑚網

### 邢侗

邢侗字子愿臨邑人甲戌成進士授南宮令終行太僕寺少卿書法鍾王虞褚顛

米禿素而深得右軍神體極為海內所珍內豎以字扇進覽上欣賞命女史學其

書邢司馬平倭至高句麗有李狀元妻託致意子愿願為弟子朱宗伯出使從人

適攜其字二幅購之黃金同價琉球使者入貢願小留買邢書去

李維禎大澗山房集

侗法書工諸體章懷鍾索虞米褚趙規撫肖像咄咄逼人而其最會心慊意尤在

右軍居然有龍跳虎臥之致試取臨池妙墨錯雜諸名帖中不辨蠅頭真楷道媚

如舞女低腰仙人嘯樹它擘窠大書體勢洞精奕奕生動雄強如劒拔弩張奇絕

如危峰阻日孤松單枝而一種秀活又如揚州王謝人共語語便態出也

史孝先來

禽館集小引

邢子愿書模二王幾於奪真而自運故佳

玉劔尊間

書史會要

邢侗以詞翰著稱臨做法帖雖未能盡合古人但筆力矯健圓而能轉時亦有得

余孟麟

余孟麟字伯祥江寧人萬曆二年進士第二人授編修官至南京國子祭酒

江寧府志

志

孟麟善真草趣園居士傷遊記

余世奕

余世奕孟麟孫真草師閣帖筆勢適美行列古雅較乃祖司成當有出藍之譽

江寧府志

趙南星

趙南星字夢白高邑人萬曆甲戌進士歷官考功郎中削籍里居起拜吏部尚書遣

戍大同謚忠毅列朝詩集

趙夢白書沉渾鴻博秀色可餐游鶴堂墨戲

林堯俞

林堯俞字咨伯莆田人萬曆己丑進士由庶吉士官至禮部尚書好學束修雅負物

切至列朝詩集

堯俞善書法魏忠賢敦請不與忠賢矯詔命公題扁公大書畏天堂三字題曰禮部

尚書某奉旨書靜志居詩話

陳泰來

陳泰來字伯符別號員嶠萬曆丁丑進士累官禮部員外郎抗疏摘饒平典史書法

有晉人風 馮伯諱虞舟草

馮大受

馮大受字咸甫少負才名工書法深為王世貞莫如忠所器重萬曆七年中鄉薦知

慶元縣 松江志

陳璋

陳璋字公獻光州人七歲舉奇童稍長工詞賦精右軍書弱冠登高第終刑部郎中

李于鱗王元美皆推許之 分省人物考

臧懋循

臧懋循字晉叔長興人萬曆庚辰進士風流任誕官南京國子監博士 列朝詩集

晉叔書一意臨摹而時苦生意之不足 五雜俎

溫顯

溫顯字公宣號純菴良之玄孫萬曆庚辰進士官戶部員外郎工楷書行草 閩誌

張萱

張萱字孟奇 書史會要云字夢奇號九岳別號西園 博羅人萬曆壬午舉於鄉官至戶部郎中真草篆隸皆

工 廣東通志

董嗣成

董嗣成字伯念烏程人萬曆庚辰進士善行楷書史會要

秦可貞

秦可貞字季章咸寧人萬曆五年進士改庶吉士出知富陽縣善臨池殘牘敗筆

人爭寶之王庭咸寧縣志

朱國祚

朱國祚字兆隆秀水人萬曆癸未進士第一人授修撰熹宗時為戶部尚書武

英殿大學士贈太傅謚文恪為文醇雅宏暢書法遒勁項玉筠樵李往哲續編

于若瀛

于若瀛字元綱濟寧人萬曆癸未進士授鳳陽推官歷官陝西巡撫山東通志

報恩寺三藏殿娑羅館扁濟寧于若瀛書江寧府志

劉黃裳

劉黃裳字玄子光州人七歲能摹逸少書十歲寓長安賦京都諸篇登萬曆丙戌

進士授刑部主事遷兵部員外郎李本固汝南志

黃裳草法二王兼倣張長史黃太史詹氏小辨

董其昌

董其昌字玄宰華亭人萬曆十六年進士選庶吉士授編修出為湖廣提學副使

起太常少卿天啓二年改兼侍讀學士歷遷禮部尚書贈太子太傅謚文敏天才俊逸善談名理少好書畫臨摹真蹟至忘寢食中年悟入微際遂自名家行楷之妙跨絕一代四方金石之刻造請無虛日尺素短札流布人間爭購寶之

松江志

其昌云吾學書在十七歲時初師顏平原多寶塔又改學虞永興以爲唐書不如晉魏遂做黃庭經及鍾元常宣示表力命表還示帖丙舍帖凡三年自謂逼古不復以文徵仲祝希喆置之眼角乃於書家之神理實未有入處徒守格轍耳比游嘉興得盡觀項子京家藏真蹟又見右軍官奴帖於金陵方悟從前妄自標評自此漸有小得今將二十七年猶作隨波逐浪書家翰墨小道其難如是

畫禪室隨筆

其昌又云余書與趙文敏較各有短長行間茂密千字一同吾不如趙若臨做歷代趙得其十一吾得其十七又趙書因熟得俗態吾書因生得秀色吾書往往率意當吾作意趙書亦輸一籌第作意者少耳

容臺集

謝肇淛云今書名之振世者南則董太史玄宰北則邢太僕子愿其合作之筆往往前無古人

五雜俎

董玄宰揮豪楮素簇簇如行蠶閃閃如迅霆飛電

玉劔尊聞

董玄宰先生字畫之妙超軼前代世所共寶章都諫魯齋令華亭日精印朱絲烏絲長箋金箋斗方雲母箋大小副啓俱以細料潔白棉紙印裁極工者送備先生文房之用蓋知先生文字不假手於人而人亦無能爭巧於化工也

閑奎翠橋堂支應



董原正

董原正字伯長其高從子少有逸才臨池特妙與莫廷韓同時風骨高華已度驂駟前容臺

集

黃輝

黃輝字平倩一字昭素朱謀聖云號慎軒南充人萬曆己丑進士選庶吉士授編修官止詹事

府少詹事己丑同館者詩文推陶周望書畫推董玄宰而平倩之詩與書與之齊

名列朝詩集

輝楷法鍾元常亦作行書書史會要

黃昭素獨操機杼而置古帖中亦不可復辨玉勳尊聞

焦竑

焦竑字弱侯號漪園學者稱為澹園先生南京人萬曆己丑進士廷試第一人授

修撰贈宮諭分省人物考

焦弱侯真行結法眉山散朗多姿而古貌古骨有長劍倚天孤峰刺日之象容座贊

語

焦尊生

焦尊生字茂直江寧志云焦竑子善真行書續說郭

沈天啓

沈天啓字生于萬曆十四年進士知奉新晉江二縣

江寧府志

生子真書師晉諸王而被拂點畫具有拔山之力

客座贅語

### 王肯堂

王肯堂字宇泰金壇人萬曆己丑進士選庶吉士授簡討降補行人司副轉福建參政書法深入晉人堂室輯鬱岡齋帖數十卷手自鈎搨為一時石刻冠

金壇志

### 何湛之

何湛之字公露萬曆己丑進士授戶部為浙江參政書法道美

江寧府志

湛之行草法二王入品

續說郭

### 何淳之

何淳之字仲雅湛之弟萬曆丙戌進士司李中州召授御史書畫為流輩所推

江

寧府志

淳之行書得晉人意

續說郭

### 陸彥章

陸彥章字伯達華亭人萬曆己丑進士仕至光祿寺卿工詩文書法妍雅小楷尤

工松江志

### 蔣杰

蔣杰字美若普安人萬曆己丑進士以比部郎出守南雄後罷歸流寓荊州詩文

清麗書法效顏真卿貴州通志

張民表

張民表字林宗中牟人萬曆辛卯舉於鄉性嗜古文詞藏書數萬卷手自點定喜飲及草書飲少許即頽然揮灑放筆如有神助列朝詩集

李日華

李日華字君實嘉興人萬曆壬辰進士除九江推官累遷太僕寺少卿能書畫善賞鑒一時士大夫風流儒雅好古博物者祥符王損仲雲間董玄宰為最君實書畫亞於玄宰博雅亞於損仲而微兼二公之長列朝詩集

李肇亨

李肇亨字會嘉號珂雪太僕日華子書摹楮珊瑚網

劉一焜

劉一焜字元丙號石間江西南昌人官至中丞杭州志云萬曆壬辰進士以右僉都御史撫浙本恬淡之思出偏側之勢筆筆蕭疎頗饒晉韻所謂無風之水自然成文元丙之翰類焉書史會要

沈鳳翔

沈鳳翔字孟威上元人萬曆二十年進士官兵科給事中江寧府志

鳳翔善草書續說郭

萬壽國

萬壽國字蓋卿秀水人領萬曆甲午鄉薦志行高潔閉門著書詩文喜韓杜書法  
本歐虞秀水志

### 朱之蕃

朱之蕃字元价金陵人萬曆乙未狀元官終禮部右侍郎元价爲史官出使朝鮮  
盡却其贈賄鮮人來乞書以貂參爲誓橐裝顧及厚盡斥以買法書名畫古器收  
藏遂甲於白下列朝詩集

之蕃真行師趙魏公間出入顏魯公與文徵仲日可萬字運筆若飛小則蠅頭大  
則徑尺咄嗟而辦江寧府志

### 米萬鍾

米萬鍾字仲詔其先關中人徙京師萬曆乙未進士仕至太僕少卿性好石人謂  
無南宮之顛而有其癖號爲友石石先生行草得南宮家法與華亭董太史齊名時  
有南董北米之譽尤善署書擅名四十年書蹟遍天下書史會要

米萬鍾著篆隸考譌二卷孫承澤幾輦人物志

### 王思任

王思任字季重號遂東山陰人萬曆乙未進士知興平當塗青浦三縣袁州推官  
稍遷刑工二部主事出爲九江府世稱其詩歌書法與董思白陳仲醇相伯仲

陰志

范允臨

范允臨字長倩吳縣人萬曆乙未進士授工部主事累官至福建參議工書遠近購者雖寸縑尺幅悉藏弃以為拱壁與華亭董其昌齊名

蘇州志

尹伸

尹伸字子求宜賓人萬曆戊戌進士仕至河南左布政讀書汲古精於鑒賞日課楷書五百字寒暑不輟

列朝詩集

張文暉

張文暉字孚之萬曆二十三年進士知台州府

江寧府志

文暉善真行

續說郭

卜履吉

卜履吉字中立號訥齋登萬曆戊戌進士官兵憲

存徵錄

卜中立行書師章草簡勁無媚骨望之肅然類其為人

客座贊語

曹徵庸

曹徵庸字遠生別號積雪萬曆戊戌進士官至山西汾郡守為人清疎雋遠雅有潔癖書法亦邁逸為世推重

過庭訓平湖志

陳勳

陳勳字元凱閩縣人魁庚子辛丑鄉會榜歷文學博士戶部郎謝病歸終日扃門

却埽詩入唐人室字與畫皆精妙人寶貴之

湧幢小品

馮玄鑑

馮玄鑑字三我萬曆庚子舉人授合肥教諭陞涪州知州乞歸結廬雙谿之濱生

平高雅善文尤工書法

平湖志

劉世教

劉世教字少彛海鹽人萬曆庚子舉北闈謁選授閩清令為詩風瀾唐音文仿六

朝儷體兼工行草尺牘小文更雋永多寶藏者

海鹽圖經

傅淑訓

傅淑訓字咨伯萬曆辛丑進士崇禎中為戶部尚書書法晉唐小行楷尤工得洛

神十三行風味

青溪遺業

張以誠

張以誠字君一華亭人萬曆辛丑進士廷對第一人授翰林修撰官至右諭德文

章宗蘇詩擬孟襄陽小楷規模大令清勁有法

松江志

徐光啓

徐光啓字子先上海人萬曆甲辰進士選庶吉士嘗學聲律工楷隸及是悉屏去

習天文兵法屯鹽水利諸策授簡討崇禎中為禮部尚書文淵閣大學士贈少保

謚文定

松江志

李流芳

李流芳字長蘅嘉定人見書家傳萬曆丙午舉於鄉再上公車不第絕意進取書法規摹

東坡列朝詩集

趙岬

趙岬字子函一字屏國盩厔人萬曆己酉領鄉薦所居近周秦漢唐故都古金石名書多在焉援据考證略仿歐陽公趙明誠洪丞相三家名曰石墨鐫華自謂窮三十年之力多都立敬楊用修所未見也列朝詩集

趙岬云余八歲時朱秉器先生手虞伯施書使予臨摹余私心竊慕古人每獲一名碑必摩弄累日不忍釋去片石隻字輒疏記之石墨鐫華自序

尹嘉賓

尹嘉賓字孔昭江陰人萬曆庚戌進士除中書舍人歷兵部郎中陞湖廣提學副使字畫瘦勁晚更雜篆隸出之列朝詩集

宋奎光

宋奎光字培巖常熟人萬曆壬子舉人能詩文工書法知龍川縣改寧海蘇州志

王心一

王心一字純甫別號玄珠又號半禪野叟萬曆癸丑進士授行人累遷刑部左侍

郎署尚書事書祖坡仙極精妙歸田園詩集小傳

俞琬綸

俞琬綸字君宣長洲人萬曆癸丑進士任西安令風流文采掩映一時臨池最勝

蘇州志

蔣如奇

蔣如奇字一先號盤初宜興人萬曆丙辰進士官湖西大參書法瀟灑絕俗董思白稱其天骨超逸功力復深所鐫有晉唐宋諸大家帖行世

書史會要

楊嘉祚

楊嘉祚字邦隆號寨雲江西太和人文貞公之後也中萬曆丙辰進士官至廣西

副使書法清古與王雅宜筆法相類

書史會要

來復

來復字陽伯三原人萬曆丙辰進士歷官布政使備兵揚州性通慧詩文書畫之

外琴棋劍器百工伎藝無不通曉

列朝詩集

曹履吉

曹履吉字提遂當塗人

見畫家傳

萬曆丙辰進士官光祿少卿詩字有晉唐遺韻

書史會要

沈嗣選

沈嗣選字仁舉萬曆甲午舉人志行高潔不仕書法本歐虞

嘉興縣志

姚履旋



姚履旋字允吉萬曆四十六年貢士為揚州學博陞巴東知縣

江寧府志

允吉真行法率更稍益以己意簡峭中微帶風貌故自彬彬

客座贊語

### 李開芳

李開芳字伯東別號還素閩永春人萬曆中成進士授主事累遷南太僕卿臨池之技縱橫跌蕩不減素師

葉向高蒼霞餘草

開芳好以篆隸八分作署書自謂得斯邈遺意體勢雖涉奇怪表丈之字略無怯澀亦人所難

書史會要

### 黃汝亨

黃汝亨字貞父號寓庸居士武林人萬曆進士仕至江西學憲行草合蘇米之長

書史會要

### 傅光宅

傅光宅字伯俊別號金沙居士聊城人萬曆進士仕終四川學憲書模黃豫章蒼鬱有致

書史會要

光宅善榜書所過祠廟剎院多為題額

吳縣官蹟志

### 朱多煊

朱多煊字中美

書史會要云號午溪

瑞昌榮安王曾孫也封奉國將軍行草得鍾王書法亦自

珍惜之每一紙出好事者重價購去比之蘭亭襖帖云

朱謙璋藩獻記

朱多炆

朱多炆字貞吉號瀑泉弋陽王孫封奉國將軍詩才警敏行草宗米南宮雜以古

字自成一體

書史會要

朱多燠

朱多燠字垣佐號崇謙一號覺菴樂安靖莊王孫封奉國將軍力學不倦書法初

師趙文敏後法聖教序

書史會要

朱謀璣

朱謀璣字弘之多燠子博學工詩行草法聖教序楷法歐陽詢

書史會要

朱謀聖

朱謀聖字隱之號八桂

多燠子

封奉國將軍特擅臨池鸞鏘虎躍標幟一家屏障榜額

得手筆為重又喜陶氏書史會要有益書家乃撫有明一代續其卷後

胡繼謙隱之

先生言行紀略

朱謀璋

朱謀璋字鬱儀石城王孫封鎮尉萬曆中理藩政博雅好古尤研精於六義所著

有六書貫玉等書又考訂大禹碑周宣石鼓比干墓銘手自摹臨而詮釋之曰三

古文釋

書史會要

朱統鉉

朱統錚字孝穆謀瑋第三子封輔尉博雅能如其父喜書法以懸腕中鋒為貴於諸帖能淹貫故作字必有所本蓋以學勝者

書史會要

朱謀埜

朱謀埜字素臣號謙山瑞昌王之枝孫封輔國中尉雅好草書遠宗懷素近法張

東海間用淡墨枯筆出已意迫視之若雲篆煙書口噤不能讀

羅治十二故人傳

宋之儒

宋之儒字文衡號梅川吳江人好詩弈善為摹畫顏歐以下書法

茅坤鹿門集

金殿

金殿字子鎮號後林上元人萬曆時貢士官處州府教授

江寧府志

金殿小楷師文徵仲行書師聖教序

續說郭

謝肇淛

謝肇淛字在杭官工部草聖如張伯英行書如王右軍蚤歲釋褐宦情泊如朱輪

停時即攜一編高坐匡牀命侍姬焚龍涎吸清茗半盞臨蘭亭一過

小草齋集小傳

朱音

朱音金陵人官太守行書師鐵門限圓媚流麗翩翩動人

客座贅語

顧履中

顧履中字雲樓工署書篆隸諸體以事抵法萬曆初營建皇極殿成題棹楔者輒

議辟大學士張居正薦之筆法應對稱旨擢內閣中書賜名復中

黃承璉海寧縣志

范文明

范文明字晦叔萬曆時人嫻詩賦攻六書著草訣辨疑

草訣辨疑序

詹景鳳

詹景鳳字東圖休寧人初為南豐掌教終吏部司務深於書學用筆不凡如冠冕之士端莊可敬狂草若有神助變化百出不失古法論者謂可與祝京兆狎主當代所著書有詹氏小辨並千文等帖行世

書史會要

景鳳於文章師二京時出入莊左於書師右軍父子

兪州續繫

袁表

袁表字景從閩縣人萬曆初授中書舍人遷戶部郎終黎平知府

列朝詩集

袁表善書

詹氏小辨

黃道充

黃道充字于泰號楚源歙人官中書舍人工詩文好奇字及異書僻事書宗鍾王以染翰拜神廟賜者再又好古書畫器物品題鑒別能一一指所從來可謂淹博

矣

朱大啓曼寄軒集

林鳳華

林鳳華字子夏號丹壺居士平湖人精楷法在右軍大令間

十洪點漱石居集

張仁

張仁字守性沙縣人居貧力學善詩精楷書萬曆中為南雄訓導

閩書

衛可徵

衛可徵山陽人萬曆十五年為高淳訓導喜古文詞工大小書法

項維聰高淳縣志

胡宗仁

胡宗仁字彭舉上元人隱於冶城山下生而偉壯美髯晚年衲衣拄杖反手徐步

鬚髯從風飄颺市人皆目為神仙

列朝詩集

宗仁善漢隸得中郎遺法

五雜俎

彭舉師魏受禪碑簡勁方正中雅氣逼人

江寧府志

郭天中

郭天中字聖僕先世莆田人其祖以避寇徙秣陵不事生業專精篆隸之學窮厓

斷碑搜訪模搨寢食都廢晚年隸書益進師法秦漢最為逼古

列朝詩集

王逢年

王逢年字舜華初名治字明佐崑山人少為諸生試經義多入古文奇字為有司

所黜作五敵詩謂慢世敵嵇康綴文敵馬遷賦詩敵阮籍述騷敵屈宋書法敵二

王

列朝詩集

逢年書學十九體必歸晉法嘗自號小王右軍

崑山人物傳

鄔佐卿

鄔佐卿字汝翼丹徒人楷書臨黃庭經詩工唐律不與人爭長用自娛悅而已  
列朝詩集

沈春澤

沈春澤字雨若常熟人才情煥發能詩善草書移居白門  
列朝詩集

曹大同

曹大同字子貞通州人貢入太學授光祿寺丞書法亦道婉可愛  
金州續景

周之冕 華之方

周之冕 畫史會要云字服卿號少谷長洲人見畫家傳 華之方 與周之冕同時 王世貞云古隸自文待詔父子歿幾遂絕絃

而二君子頗挾許昌孔廟之祕 金州續景

周芝山

周芝山年八十時兩目俱枯令人以手擬筆即縱意為之出入雙井襄陽風骨倜

然 金州續景

羅文瑞

羅文瑞歙人王世貞題其所書醫無閭碑後云萬曆甲戌少司馬梁公夢龍奉命  
犒師勒績於醫無閭山而歙士羅文瑞書之結法自清臣誠懸是以適莊而不訛

駸 金州續景

周炳文

周炳文字伯從別號明宇仕為都察院都事好吟咏雅意臨池摹歐虞真蹟一時海內名公如王元美吳明卿輩稱善相屬

唐文獻占星堂集

沈熙

沈熙號晉齋華亭人善書學鍾學王又學為歐種種成家蓄古書畫搜剔水石時花種竹不問門外事

沈愷環溪集

程福生

程福生字孟孺江西玉山人

朱謀壘云號六岳山人萬曆初官中書

篆法壽承隸法徵仲小楷法麻姑仙壇

又法黃庭草法章草

詹氏小辨

趙仕禎

趙仕禎字彥卿樂清人官中書舍人楷法歐率更行法聖教序分法文太史皆成章而致亦清

詹氏小辨

李寧儉

李寧儉

傷逝記云字惟禮

金陵人少保惟寅弟徑寸草法孫過庭大草法文壽承並有佳致

詹

氏小辨

吳元滿

吳元滿字敬甫歙人好六書自三代及秦漢鼎彝碑銘皆淹貫於中所著有六書

正義等書 書史會要

文元善

文元善字子長號虎丘和州公嘉子書畫逼真和州公 文氏族譜

陳繼儒

陳繼儒字仲醇 朱謀聖云一字籍公華亭人爲高才生與同郡董其昌齊名年二十九取儒衣

冠焚棄之結茅崑山之陽後居東佘山工詩文雖短翰小詞皆極風致 松江志

繼儒書法蘇長公故於蘇書雖斷簡殘碑必極搜採手自摹刻之曰晚香堂帖 書

史會要

趙宦光

趙宦光字凡夫太倉人卜居寒山所著書幾數十種尤專精字學說文長箋其所

獨解也 吳縣志

宦光篤意倉史之學創作草篆蓋原天璽碑而小變焉繇其人品已超書亦不躡

遺蹟 書史會要

趙均

趙均字靈均凡夫之子從其父傳六書之學又從燕山僧見林授大梵字并諸國

字母移日分夜父子自相講習 初學集

葛雲蒸



葛雲蒸字如龍爲郡諸生屢試不利乃謝去隱於鳳凰臺畔

江寧府志

雲蒸楷書學歐陽率更

續說郛

### 孫謀

孫謀字燕貽一字五城隱居金陵十廟山下善書能詩文與王百穀陳古白友善謝去諸生著高冠重履短袖市人笑之不顧也每賣字得錢即付酒家

江寧府志

### 歐陽序

歐陽序字惟禮江寧人能詩詞工篆籀仕福州府幕官罷歸結茅於姑塘之麓終

老焉

江寧府志

維禮真師率更篆八分師二李與梁鵠結構不疎古雅有意

金陵瑣事

### 歐陽廩

歐陽廩序弟亦能大小篆官松潘通判

江寧府志

### 許伯倫

許伯倫江寧人行書師孫過庭勁媚錯出圓熟溫茂如玉謝兒郎皆有體韻

江寧府志

府志

### 許無念

許無念伯倫長子真行似乃父而秀逸過之

江寧府志

### 蔣之芳

蔣之芳字士榮號適菴華亭人萬曆中為崑山訓導工草隸蘇州志

張元舉

張元舉字懋賢陳道復外孫見畫家傳書法文待詔端逸有體吳縣志

浦融

浦融字通詹珊樹綱云隆萬時人吳縣人書法倣晉人筆意吳縣志

璩之璞

璩之璞字君瑕上海人見畫家傳楷法妍雅人品高潔不趨榮利士論多之松江志

陸萬里

陸萬里字君羽華亭人善書於時莫雲卿早逝而董文敏其昌後起故萬里稱獨

步其昌少貧嘗作萬里書市之人以為贗弗售也松江志

陸萬言

陸萬言字君策萬里弟萬曆五年鄉舉亦能書松江志

方元懷

方元懷號兩江歛人善書隆萬間名噪一時徽州志

陸從龍

陸從龍杭州諸生善書法萬曆中詔天下工書者試為官從龍再試稱旨授中書

舍人直武英殿杭州志

馮其隆

馮其隆字景雲桐鄉人善書神宗朝書宣聖廟碑筆法有唐人逸致

桐鄉志

周履靖

周履靖字逸之嘉興人去經生業專力為古文詩詞編茅引流雜植梅竹讀書其中自號梅癩道人工篆隸章草行楷與文休承王元美相友善

嘉興縣志

沈啓南

沈啓南字道明號志崇又號巢雲澄源居士嘉興人閉戶讀書博綜載籍間為詩歌書法宗李北海得句染翰往往入作者之室

陳懿典史隱齋集

汪鈇

汪鈇字公良別號次嶽世居新安之雙溪壯游太學交多名士工詩賦草書所至以觴咏自娛

焦竑澹園續集

周梓

周梓字啓孝巴陵人工法書善吟咏官貴溪縣丞

羅治十二故人傳

周叔宗

周叔宗初名祖以字行入南成均連蹶秋試遂棄去為山人裝遊佛徒間書法初喜希哲已學漫仕又進學顏晚遂一意山陰父子書名大噪然不輕為人作

恬致

堂集

顧澄先

顧澄先字慧曉與周叔宗同時工歐陽書體嘗倣叔宗筆意往往酷肖而氣不如識者以此別真贋

松陵文獻

朱賓

朱賓字元賓吳江人有經學書法趙孟頫

松陵文獻

沈庭訓

沈庭訓字子承別號玉岑山人長洲人為諸生有聲好為古文詞又喜為詩尤工書法自晉唐以來名人墨刻手摹皆逼真或按其時世先後辨真贋巧拙皆如目擊吳人士爭踏門請求書冊卷軸充塞案几慨然應之終日無倦容

賜開堂集

周宣

周宣莆田人書絕似米南宮嘗為常德推官

游居錄

錢伯升

錢伯升雅士也精醫工草隸

敬菴集

朱廷剛

朱廷剛字天德好讀書尤深於易習晉唐書法自號九峰先生

浦江人物補遺

張應唯

張應唯字汝契浦江人善二王體喜為人書世外事自署為清樾逸叟而不名

浦

陸長庚

陸長庚樵李人萬曆間人善草書

琴橋堂箋牘

葛符

葛符字君信吳之西洞庭人事莫公遠傳其書法

吳縣志

葛一龍

葛一龍字震甫符子嗜古力學書法亦適古可傳

吳縣志

強存仁

強存仁字善長學周天球書獨有深解

吳縣志

彭汝諧

彭汝諧字原素號蔚菴萬曆丙辰進士善書

吳縣志

鄒謙

鄒謙字仲樞號自牧博學善吟好鍾王書人皆推之

常熟志

周之士

周之士字士貴號四明居士齊興人工詩文能書翰逼真魏晉嗜慕古人之蹟佳

搨妙墨所在輒終年精玩

游鶴堂墨數

朱期昌

朱期昌字辰翁與周之士同邑亦善書 游鶴堂墨戲

温如玉

温如玉字白雪長洲人僑寓青州工真草篆隸尤善鈞臨法帖有肅府石刻傳世 山東通志

趙之璧

趙之璧字十五後改名珣字枝斯莆田人 見畫家傳 善草書 福建通志

蘇肴山

蘇肴山字志乾莆田人領順天鄉薦知新會縣萬曆初卜居於沙長於吟咏尤善臨池 延平志

李世嶼

李世嶼廣東順德人生萬曆甲午二歲不言善書大字如白沙先生體四歲時貴陽馬御史文卿按廣東召之見抱膝上令寫手甚小握甚固作字如碗口大揮灑甚疾蓋神童也 湧幢小品

白仲

白仲字子中晉陵人康敏公孫落魄能飲酒學晉人書甚工 王穉登兩航記

梁山

梁山字靜卿好稱詩尤善臨池萬曆中為龍門縣訓導 黃朝選博羅縣志

龍德化

龍德化 武陵人 為徽州判官 工詩善書 劉一全 常德府志

高元雅

高元雅 嘉興人 汪珂玉云 萬曆中來吾郡 書家首推高元雅 珊瑚網

高孟超

高孟超 字公玄 元雅之子 能擅其傳 珊瑚網

彭天禛

彭天禛 字提卿 號念溪 為高州府經歷 書學二王 吳敬 萬載縣志

宋九德

宋九德 字士吉 別號官虞 篤志博古 工詩文 善楷書 為萬安縣訓導 萬載縣志

郭汝宣

郭汝宣 字贊明 號月塘 萬曆乙巳歲 薦博通經史 善楷書 萬載縣志

谷淮

谷淮 字文東 秦中賈人子 客於淮揚 備書頗好 博覽兼善 音律仿文 徵仲書法 列

朝詩集

朱完

朱完 字季美 號白岳 南海諸生 萬曆時人 隸書嚴整 清勁獨步 一時楷書作顏體

行草亦佳

書史會要

馬元震

馬元震字伯起南海諸生隸書與朱完爭名用筆雖古體勢多怪

書史會要

黃之璧

黃之璧字白仲上虞人攻詞章書畫與屠隆相友善名重一時

書史會要

尤道恒

尤道恒能楷書字體道勁

弇州續藁

王應賓

王應賓太倉人書學娜如子亦能窺藩

弇州續藁

王慎修

王慎修王履吉之從孫能書

弇州續藁

穆光胤

穆光胤王世貞題其所臨七姬帖云與真本對覈之幾不可辨

弇州續藁

張東白

張東白趙宦光云前輩張東白作草篆近於迂怪亦有不可及處

趙宦光說文長箋

沈仲亨

沈仲亨虞部志心二王之間雅以詩翰稱南畝

詹東園集



杜大中

杜大中姑蘇人官主簿善書詹氏小辨

杜大綬

杜大綬字子紆吳郡人善書珊瑚網

薛明益

薛明益字虞卿楷書衡山後一人也珊瑚網

文從先

文從先字用之號岷陽肇社子工書畫文氏族譜

姚之裔

姚之裔真行學松雪續說郭

羅萬象

羅萬象字惟一草書學懷素續說郭

李世澤

李世澤號半野工飛白續說郭

林景暘

林景暘號乳泉善真行續說郭

郭惟誠

佩文齋書畫譜 卷四十四 書家傳二十三

同文圖書館印

郭惟誠字成也真行學朱射陂

續說郭

吳鉞

吳鉞臨川人嘗為御史詩與字俱有法

湯顯祖玉茗堂集

黃叔遁

黃叔遁行書法章草而清勁特甚

江寧府志

康時萬

康時萬字孟修號郎山晚更號了予居士隱居不出詩必宗唐字必宗晉揮毫染

墨有大曆永和之風

雲間志略

張朗

張朗性孤介不樂與俗伍家貧以醫自給能詩善行楷書

松江志

項拱辰

項拱辰字惟忠善大小楷書

方鵬崑山志

杜士基

杜士基號筏城博雅嗜古善楷書嘗手鈔二十一史精好絕倫

松江志

潘緯

潘緯字象安歙人善詩工隸書官中書舍人

徽州志

詹希賢

詹希賢休寧人善篆隸諸體書著書筌極論書法四方多師之由儒士授江西檢校徽州志

詹萬里

詹萬里希賢子以善書重一時徽州志

朱履

朱履字與白仁和人善屬文亦工書篆隸皆可觀杭州志

徐焯

徐焯字惟起又字興公閩縣人博學工文善草隸書萬曆間與曹能始狎主閩中

詞盟後進皆稱興公詩派列朝詩集

俞安期

俞安期字羨長吳江人徙陽羨老於金陵嘗以長律一百韻投贈王元美元美爲

之傾倒列朝詩集

安期不獨擅騷壇抑亦工臨池珊瑚網

魏之璜

魏之璜字考叔上元人起孤貧業丹青以餬口列朝詩集

魏考叔真書師黃庭經結構微密神采流麗江寧府志

朱慶斯

風入骨 書家傳二十三 同文圖書館印

朱慶斯字仲望存徵續集云號小碧生貴介孳孳向學篤好稱詩又工書凡篆隸行草心摹手追無不習弁州山人藁

楊學詩

楊學詩字可言號琴臺子精騎射通音律書畫俱工朱良叔猶及編

顧端

顧端海鹽人工詩畫精六書義為上舍生海鹽圖經

馮敏効

馮敏効字忠卿平湖人善屬文杜門著述工大小行書著字學一卷平湖志

陸曾暕

陸曾暕字文章之會稽人精於字學博採諸家作字原私謚曰毅真紹興志

葛曉

葛曉字雲岳上虞人長於詩文工書法紹興志

金湯

金湯字維垣浙人善鼓琴能詩尤工顏魯公書法青州碑碣多出其手山東通志

車時俊

車時俊將樂人博物洽聞以楷草書名延平志

梁思年

梁思年順德人博古工詩翰得其隸書者競珍之廣東通志

黎永正

黎永正番禺人舉孝廉博學善文工楷隸廣東通志

徐昆

徐昆莆田人善篆隸閩書

蕭端岳

蕭端岳字鎮之江西泰和人工篆書書史會要

洪珠

洪珠字玉方號西宗山人官參政善行草書史會要

張環

張環樂清人以神童舉入翰林為中書舍人八歲時能作徑丈大字書史會要

章冕

章冕字尚周號服齋嘉定諸生善楷書行草尤工大字書史會要

鄧良佐

鄧良佐字損菴南海人工隸書書史會要

王衍相

王衍相閩人摹刻聖敎序一通於岳廟頗欲亂真陸谷滋客燕雜記

湯應龍

湯應龍

神宗時人

萬曆二十三年朱之蕃榜進士題名碑大學士陳于陞撰文通政司經

歷湯應龍書

六館日抄

周承禹

周承禹

神宗時人

萬曆四十一年周延儒榜進士題名碑大學士葉向高撰文通政司知

事周承禹書

六館日抄

林潮

林潮

神宗時人

千佛寺建於明萬曆中有長沙楊守魯安陽喬應春二碑皆鎮陽林潮書

涿水亭雜識

李開藻

李開藻

神宗時人

龍華寺碑金陵朱之蕃撰永春李開藻書

涿水亭雜識

王士崧

王士崧

神宗時人

中嶽廟法王寺少林寺面壁石四詩萬曆丁亥天台王士崧書結法凝

整

嵩陽石刻記

成楫

成楫

神宗時人

萬曆二年孫繼皋榜進士題名碑大學士王錫爵撰文光祿寺少卿兼司

經局正字成楫書

六館日抄

馬繼文

馬繼文神宗時人萬曆五年沈懋學榜進士題名碑大學士許國撰文太僕寺少卿兼司

經句正字馬繼文書六館日抄

唐尚忠

唐尚忠神宗時人萬曆八年張懋修榜進士題名碑大學士葉向高撰文通政司知事唐

尚忠書六館日抄

趙應宿

趙應宿神宗時人萬曆十一年朱國祚榜進士題名碑大學士王錫爵撰文大理寺右寺

副趙應宿書六館日抄

徐圖

徐圖神宗時人聖安寺碑萬曆十八年上谷參軍張壽朋撰江西道監察御史徐圖書析

津日記

章如鋌

章如鋌神宗時人萬曆二十年翁正春榜進士題名碑大學士張位撰文通政司經歷章

如鋌書六館日抄

劉世學

劉世學字石屏山陰人精鍾王書法泰昌登極以殊恩授職不仕禮部郎中張夬

同文圖書館印

顏其廬曰字隱

山陰志

黃道周

黃道周字幼玄一字螭若號石齋漳州人博搜廣覽書無不通詩文隸草皆自成一家天啓壬戌進士選庶吉士授編修歷官禮部尚書

黃石齋行狀

洪周祿

洪周祿字半石黃岡人天啓壬戌進士授戶部主事出知常州府解綬歸里肆志詩文行草書妙絕一時爲董思白所賞

湖廣通志

諸清臣

諸清臣字清之會稽人日臨魏晉隋唐諸帖輒忘其疲

邢侗來禽館集

許用敬

許用敬字孟輿能詩工書落筆適逸邢侗以爲弟子

李化龍臨邑縣志

婁堅

婁堅字子柔嘉定人經明行修學者推爲大師五十貢於春官不仕而歸書法妙天下風日晴美筆墨精良方欣然染翰不受促迫

列朝詩集

宋珏

宋珏字比玉莆田人善八分書規撫夏承碑蒼老雄健骨法斬然

列朝詩集

歸昌世



歸昌世字文休崑山人能詩文書法逼晉唐

蘇州志

朱應佐

朱應佐字宸卿居靈脂粉塘工詩善真草書與朱鷺趙宦光輩相唱和縱遊佳山

水間

吳縣志

葛應典

葛應典字貞白少孤讀書以孝義自砥為縣諸生有聲性喜臨池行楷入義獻之

室

子縣志

陳元素

陳元素字古白書法歐陽率更精楷入神

蘇州志

魯得之

魯得之字孔孫為太僕李日華入室弟子工寫竹兼工歐顏書法

嘉興志

何白

何白字无咎永嘉人幼時為郡小史龍君御為郡司理異其才為加冠集諸名士

賦詩以醮之為延譽於海內遂有盛名西遊酒泉南窮湘沅歸隱梅嶼山中能書

善畫

列朝詩集

吳周生

吳周生新安人董其昌墨禪軒說云周生坐擁萬卷博雅好古尤精八法

容臺集

鍾快

鍾快竟陵人

鍾惺弟

長齋事佛通書畫

譚友夏集

韓治

韓治字君理長洲人八歲能書徑尺大字董其昌目之為神童舉於鄉知雲和

縣調黃巖

蘇州志

朱茂曙

朱茂曙字子衡秀水人文恪公國祚之孫為縣學生工行楷書為董文敏所稱

私謚安度先生

堯峰文抄

朱茂皖

朱茂皖字子芾號芾園

茂曙弟

補諸生以學古聞讎經糾史蠶頭細書盈篋滿笥未

嘗少暇息

俞汝言漸川集

汪淮

汪淮字禹乂休寧人好稱詩尤工書法嘗書陽山寺額董宗伯其昌過休寧見

之歎曰此中有人

徽州志

俞可進

俞可進字于漸婺源人精鍾王書法雲間董玄宰陳省公見其所書黃庭心經

驚為絕品

徽州志

李永昌

李永昌休寧人善書與董思白齊名思白雅重之所書如董筆云

徽州志

洪度

洪度黃梅人精書法一日洪濤浮敝篋發之乃宋僧道肯集篆金剛經字久磨滅  
精思七晝夜重臨刻石宗伯董其昌釋以小楷藏京師摩訶菴

湖廣通志

沈瑞徵

沈瑞徵字靈繹號玄圃博學工詩文書法鍾元常見知董文敏

黃承璉海寧縣志

徐弘澤

徐弘澤字潤卿號春門書法從吳興取途晚愛張伯雨遂與姚丹丘頡頏

恬致堂集

沈叔淳

沈叔淳更名為新字曼倩擘窠字學睂州雙井又能篆籀

恬致堂集

高道素

高道素字玄期號明水嘉興人

見書家傳

歷官工部屯田郎中善鑿古工字學

嘉興縣志

陸鳴和

陸鳴和字三孺隱竹橋里李日華六君詠云七歲誦騷賦十年摹右軍藝翰兩奇

絕卓哉超輩羣

六研齋三筆

吳秋林

吳秋林歙人寓春波里門無雜賓時時襟被就羽人釋子假榻焚香煮茗意蕭如也書法趙吳興李日華紫桃軒雜綴

陸元厚

陸元厚家貧為童子師性方嚴行止舉舉喜蓄異書書摹急就婉逸有態紫桃軒雜綴

沈行叔

沈行叔富有六書之學其所剖析務極於微眇上遡篆籀下逮隸分有遘必收有蓄必奇學古緒言

朱纓

朱纓字清父嘉定人書工小篆及行草不多為詩而間一書其中所欲言悠然之味常在言外學古緒言

安紹芳

安紹芳字茂卿居無錫之膠山山有滌硯亭因自號硯亭居士字臨曹娥碑陳繼

儒晚香堂集

李坤

李坤將樂人年少不羈傲睨物表工詩善草書游吳越燕趙間鍾伯敬林茂之皆

器重之延平志

李彛仲

李彛仲詩才清敏書法適古尤長於尋丈大字美標格有玉樹臨風之槩

張鴻磐西州

合譜

嚴衍

嚴衍字永思博學好奇隱居教授善書法作擘窠大字更奇偉

嘉定縣志

沈弘嘉

沈弘嘉字叔雅嘉興人工篆隸八分董氏戲鴻堂帖其手摹勒石也

珊瑚網

項真

項真字不損嘉興人汪砉玉云不損為吾郡書家龍鳳惜其作李北海盡頭耳

珊瑚網

綱

顧聽

顧聽字元方精於字學趙宦光纂說文長箋相與考訂

吳縣志

宋臣熙

宋臣熙號起巖溧陽人官廣東新安令改郴州學正善書小楷宗黃庭

書史會要

宋猷

宋猷字獻孺號如園官山東參議行草遒勁尤善榜額晚年寫各體臻妙

書史會要

童朝儀

童朝儀字令侯山陰人天啓壬戌武進士歷官後軍都督工書畫善詩詞文采風流一時名公鉅卿競相推服

山陰志

沈如封

沈如封字慰先工詩文尤精八法

石門縣志

吳潛

吳潛字餐霞書法得米南宮筆意

石門縣志

沈甲秀

沈甲秀字凝芝石門人

見畫家傳

長於詩文博通篆學

石門縣志

諸文星

諸文星字紮鄰善詩工篆隸楷書

石門縣志

孫幼如

孫幼如真書如玉環豐豔而有致行草師米元章蕪湖學記碑幾如優孟之視叔

敖

江寧府志

王雯東

王雯東字坦窩為人方正和介能詩工行草

江寧府志

張振英

張振英字玄度爲諸生有聲家徒四壁而左圖右史焚香埽地秩如也字法雲麾

碑嘗於隙地種竹數十竿因號苦竹

江寧府志

### 高松聲

高松聲字谷傳嘉興人志行峻潔一介自嚴構水肥齋於西郊焚香埽地栽竹賦詩淡如也書法直入二王堂廡

嘉興府志

### 王淑

王淑字子逸嘉興人書法宗趙魏公高松聲故姓王淑為松聲從弟世以雙隱目之

嘉興府志

### 吳惟英

吳惟英字國華襲封恭順侯藥王廟碑吳惟英書

帝京景物略

### 吳高節

吳高節字希夷小楷行書入趙吳興神境與文衡山倣趙書及停雲館摹趙帖如出一手

徽州志

### 洪墨卿

洪墨卿休寧人善書徑丈大字以尺量壁塗抹而成極飛舞生動之致

徽州志

### 官賢

官賢字子選將樂人仕温州府推官博學多才工草書善吟咏

延平志

### 車素

車素將樂人楷書學歐陽詢 延平志

潘雲翼

潘雲翼 熹宗時人 護國靈佑宮碑大學士福清葉向高撰湖廣道御史晉陽潘雲翼書行

國錄

文震孟

文震孟字文起別號湛持待詔之曾孫生而奇偉着稜上指目光射人與世所傳  
文信國像無異年五十始成進士為熹廟改元之歲廷對大魁天下崇禎初拜禮  
部左侍郎兼東閣大學士謚文肅書蹟遍天下一時碑版署額與待詔埒 文氏族譜

文震亨

文震亨字啓美文起之弟風姿韻秀書畫咸有家風為中書舍人給事武英殿 列朝詩集

文從簡

文從簡字彥可元善子書法北海最得其神遲暮始膺歲薦需次待選不就歸 文氏族譜

文葆光

文葆光號停雲從龍子能書 文氏族譜

文謙光



文謙光字去盈為縣學生善臨池行楷倣晉人神骨俱肖

吳縣志

文寵光

文寵光字仲吉謙光弟亦善書

文氏族譜

傳汝循

傳汝循字孟博為泰州訓導崇禎初陞濟南通判書摹晉唐宋諸名家俱有法

吳縣志

志

陳師泰

陳師泰字交甫黃岡人崇禎庚午舉於鄉累官蘇州知府好吟咏書法直逼大蘇

廣通志

王一翥

王一翥字子雲黃岡人天啓時遊京師魏璫欲邀為記室一夕遁歸崇禎庚午舉於

鄉後隱廬山智林能詩善真草書

湖廣通志

陶汝鼐

陶汝鼐寧鄉人崇禎癸酉舉於鄉高尚不仕詩宗漢魏書法鍾王一時名雋樂與之

遊湖廣通志

陳丹衷

陳丹衷字旻昭崇禎癸未進士為文閑奧自成一家詩原本離騷出入少陵長吉工

書能畫 江寧府志

魯憲學

魯憲學字爾章南漳人崇禎中領鄉薦博學善屬文工詩善書畫 湖廣通志

林曰本

林曰本字原長崇禎間辟為中書不就楹邊多植梅人稱為梅隱善詩歌亦書酒酣揮翰縱意所之徐渭之流亞 紹興志

邵彌

邵彌字僧彌清羸頎秀好學多才藝於詩宗陶韋於畫仿宋元於草書出入大小米而楷法逼虞褚稱絕工平生揮灑小幀尺幅人皆藏弃以為重或購之累數十金 梅村集

程衷素

程衷素字阿白精於書曲盡古法尤善大字自負直於鍾王把臂顏柳而下不屑也無生人產業以書自給終其身 金聲正希集

浦大治

浦大治字君谿無錫人少穎異攻詩文楷書法歐陽率更遒勁有骨法徙家虞山葛巾枕杖游行山澤間城市之中足跡可數 初學集

巖調御

嚴調御字印持餘杭人以高才為諸生祭酒博雅好古能琴善書

初學集

黃應儔

黃應儔閩人詩文字畫兼工

胡平桂遠齋詩草

房宏中

房宏中字子潤一字箴潛善古文詩詞貌頎皙而癯嗜酒能書崇禎丁丑棄妻子飄然長往後有清凉寺僧西度於匡山見之云

江寧府志

戴笠

戴笠字曼公杭州人博學能詩兼工篆隸崇禎中從番禺人乘桴入海後不知所

終桐鄉志

景輝

景輝不知何許人或曰景清之後也崇禎間從襄漢遊楚攜一琴夜嘈嘈彈又為詩善飲酒好與文士交書法類懷素

湖廣通志

陳振琦

陳振琦號二韓黃巖人博洽能詩尤精鍾繇書法結社為文一時風雅宗之崇禎末年任安寧州守

雲南通志

周挺

周挺字原博性敏好讀書善行楷秀媚中饒有骨力一時紙貴

冒起宗筆記

吳應箕

吳應箕字次尾號樓山貴池人縣學生行草書早學黃山谷中學米元章顏魯公  
皆曲盡其工 五石齋

顧杲

顧杲字子方無錫人工草書大字負豪氣死於兵 五石齋

范文光

范文光內江人草書有高致 五石齋

錢邦芭

錢邦芭草書道勁 五石齋

曹函光

曹函光字瞻明號間止居士書學鍾 珊瑚網

蔣元龍

蔣元龍字神卿華亭人書法與莫雲卿一體 珊瑚網

洪邦基

洪邦基字慶之能文工小楷 珊瑚網

俞塞

俞塞字吾體婺源人少孤客遊金陵不能歸自更其姓為獨孤精究易理工楷書

劉世鵬

劉世鵬字北生山陰人隱遁山中沉酣翰墨有以詩賦及臨池干者輒揮豪罔倦

山陰十心

鄭露

鄭露字湛若南海諸生工大小篆八分行草書詩曰嶠野集手書開雕極精楷

東通志

胡靖

胡靖南平人見畫史工書畫後為僧名澄雪 延平志

王琦

王琦字玉振昆明人隱安寧山中以詩酒自放醉甚索筆作書淋漓適健類李北海

雲南府志

朱國詔

朱國詔崇禎庚辰將下第舉人與廷試貢士史惇等一百六十三人吳康侯等

一百人盡留特用惇等上疏請援進士例立石題名上如所請大學士周延儒奉

勅撰文太僕寺少卿兼翰林院侍書朱國詔奉勅書并篆額 史傳雜記

玉華山樵 已下八人名氏遺闕

玉華山樵或自稱大呆子性天然永樂初寓金華東陽縣東山儀容俊偉與之遊飲者每得其詩畫詩畫雖未過人亦不塵俗其邑里姓名終莫知之嘗見其歌及稱王姓者曰宗兄是必王其姓而建文朝忠臣也 七修類稿

黃生

黃生 成祖時人 周忱跋褚河南倪寬贊云學士解公題此卷效河南筆意題畢自謂與平日所書迥異有黃生學書於公熟識公字公戲以手掩其名召生試觀問為誰書

生錯愕莫能辨 書畫題跋記

友松處士

友松處士姓申屠氏 供其名 博物好古善吟咏工書尤善寫生嘗鑿池構軒其上環植

松數株人呼曰友松處士因以自號 姚燮文敏公遺藁

固窮居士

固窮居士 供其姓氏 王問曰居士幼哭父失聰長拙生理以善楷法游於貴卿之門 列朝

詩集

鼎文

鼎文未詳其姓里半軒王止仲嘗作二王書帖辨勉必其善書者也 皇明書畫史

周郎

周郎八歲書蘭亭曹娥端勁風逸有二王筆意雖紙成堆筆成冢者未能過也 容

吳十九

吳十九者浮梁人能吟書逼趙吳興隱陶輪間所製精磁妙絕人巧自號壺隱老人紫桃軒雜綴

貧極道人

貧極道人年可三十餘面頰色日披髮走市中能以稻草心作筆為署書後不知

所之松江志

蕭敬

太監蕭敬南平人英宗初以長隨侍便殿孝宗朝入掌司禮遍觀典籍能詩好草

書名山藏

吳亮

太監吳亮正統時人明法華寺碑太監吳亮撰并書帝京景物略

鄭同

鄭同高麗人其國王李禔貢入中國得仕宣宗後復使高麗至金剛山見千佛繞毘盧之式歸結圓殿供毘盧表裏千佛面背相向自為碑文自書之帝京景物略

崔澱

崔澱字彥沉別號楊浦高麗海州人工詩文隸書祖述東晉草書逼真懷素楊浦

張君寶

張君寶字全一一字玄別號保和容忍三丰子人目為邈邈張遼東懿州人金時修煉寶雞縣之金臺觀元時學道鹿邑太清宮洪武初復來寶雞太祖聞其名四求不得成祖靖難後至京師天順末或隱或見英宗聞之封為通微顯化真人

名山藏

張三丰洪武間寓平越高真觀今禮斗亭其故址手書亭聯碑詞尚存

貴州通志

卓晚春

卓晚春莆田人生嘉靖間自號無仙子亦曰上陽子人呼為小仙幼孤行乞言休咎事皆奇中初不識字十四能詩十六善草書唐順之作小仙草書歌有瓌瑯東海黃公符蒼古太廟姬王琢藤纏老樹千尺挂鷹攫寒厓百鳥悞之句

名山藏

張宇初

天師張宇初字子璿五歲讀書十行並下洪武十年方髫髻襲掌道教篇章翰墨

各極精妙 列朝詩集

張迪哲

道士張迪哲字如愚號朋山福州長樂人篆隸書俱精洪武十七年為上清宮提

點 張守初觀泉集



吳伯理

道士吳伯理號巢雲子居廣信龍虎山永樂中來郡訪張三丰後居嘉定之鶴鳴

山博通經史工詩書精篆隸

皇明書畫史

張復

道士張復字復陽居南宮自幼學書尚法古人能運帚作大字

秀水志

周禎

道士周禎字世昌號虛白善詩文工書法能習道書精五雷法

庚寅臨安縣志

黃裳

道士黃裳字丹霞號塵外道人讀書明理善詩章習張即之字

徐待聘上虞縣志

釋德祥

釋德祥號止菴仁和人書法擅名一時有鐵畫銀鈎之妙詩刻苦高處逼郊島

陳

善杭州志

姚廣孝祥老草書歌云祥師只今為巨擘上與閒素爭噴吮錢塘山水甲天下秀

氣毓子為楨楠十年不出筆成冢中山老免愁難安晴軒小試烏玉玦雙龍隨手

掀波瀾昨將一紙遠寄我天孫機錦千花攢願師勿置鐵門限從他須索來千官

搢紳相與歎莫及便欲奪去加巾冠厥聲已搖不知息箱篋盛貯光爛爛其為一

時推重如此

逃虛子集

釋宗泐

釋宗泐字季潭臨海人族姓周氏寓意詞章尤精隸古虞文靖黃文獻張潞公皆推重為方外交洪武初詔舉高行沙門師居其首 列朝詩集

釋來復

釋來復字見心號蒲菴族姓黃氏洪武初與泐季潭用高僧名至京除僧錄寺左覺義詔住鳳陽槎牙山圓通院 列朝詩集

來復書法似趙吳興

書史會要

釋惠熙

釋惠熙字本明祝髮於慧山寺善書有詩名與高季迪為友自號芝菴

秦陵無錫志

濟上人

濟上人字玄津以解吟工書鳴於禪林

珊瑚網

釋大智

釋大智字南溟住天台工正書

書史會要

釋惟寅

釋惟寅號樗菴太倉人永樂中與修三藏賜法服工書亦能詩為士林推重

書史會要

要

釋無辨

釋無辨名覺同號雪岑大同人姓康氏攻詩文嘗立就善化寺記數千言灑翰作草書鏤諸樂石龍掀鳳舞人稱之曰詩禪草聖

毛晉明僧弘秀集

釋康雪庭

釋康雪庭書法學松雪極有筆力

烏程志

釋知

釋知住嘉興本覺寺善書永樂中召校藏典寵異甚厚

析珠嘉興府志

釋道聯

釋道聯杭州人兩被召纂修大典游戲翰墨緇白咸重之後坐逝英宗悼之勅葬

於藕花居之旁

杭州志

釋妙清

釋妙清英宗時人明萬壽寺碑正統十一年住持妙清碧潭篆額

析津日記

釋守仁

釋守仁字一初號寄傲軒富春人能文辭草書宗晉亦能篆隸

皇明書畫史

釋萬金

釋萬金字西白吳江人居吳之寶積寺詩文字畫皆精絕

皇明書畫史

釋定徵

釋定徵喜讀儒書詞翰俱妙有前人風

龜翁家藏集

釋宗奎

釋宗奎杭州人祝允明奎上人署書贊曰雄穎偉墨突如其來云誰之為緇師宗奎佛有三昧散在百觀子以其餘戲入書翰天宮寶樹截萬楨餘昆刀瑚珠鈞鉞鏤錐縱橫闔締構輾轉按規拊矩束帶頂冕千力萬氣曳斫不斷平原風骨溥光首面耳目警聳誰敢褻玩衆夫瞻仰老史作贊

祝氏集略

釋戒襄

釋戒襄姓李氏從文徵仲游能書

海鹽圖經

釋福懋

釋福懋字大林竹堂寺僧少有戒行嘗遊文太史徵明之門書學智永

皇甫汈長洲志

釋定皚

釋定皚字東白嘉定人成化中任僧錄司善書弘治間寫經第一擢左善世

明僧弘

秀集

釋完敬

釋完敬號碧菴長於染翰師法虞世南深造其妙詩才清俊名播於時

鄧執常熟志

釋德清

釋德清號憨山初住曹溪萬曆時說法匡廬文字妙敏一寫千言善行草

書史會要

釋宏株

釋宏株號蓮池俗姓沈氏萬曆時人住越之雲棲寺以修淨土弘範一世書法端楷可宗

書史會要

釋洪恩

釋洪恩號雪浪金陵黃氏子年十二出家長干寺博通經史攻習翰墨

列朝詩集

雪浪善詩書法道媚通名理有江左支郎風韻

素中道游居錄

釋彬公

釋彬公神宗時人字化儀號慧空克振宗風旁通翰墨

珊瑚網

釋宗公

釋宗公神宗時人能詩善顏魯公書

珊瑚網

釋如濂

釋如濂號竹堂性僻潔居一小樓明牕四圍一榻一几不置雜物作小詩有澹致

書法顏柳

李日華紫桃軒又綴

釋智舷

釋智舷字葦如別號秋潭晚更號黃葉頭陀俗姓周氏嘉興長水鄉人能詩工書

恬致堂集

黃葉老人書力祖顏行稍涉雙井風義成就如霜後擘柑香味俱絕

同上

釋同六

釋同六黃葉老人親弟禪戒精苦臨黃庭經足躓躋山陰堂大 恬致堂集

釋智訥

釋智訥石門人性穎悟佛書一覽即通尤工書住持徑山 石門志

釋永傑

釋永傑字斗南扶桑人書宗虞永興 書史會要

釋如曉

釋如曉字萍踪蕭山人失其姓幼不知書年二十餘以罪逃臨安山中獨棲古廟

十餘年深山月朗見竹影在地豁然有省折桂畫鑪灰遂善書崇禎間結茅烏石

峰側名曰巖艇 杭州志

釋道生

釋道生字九奇楚之黃梅人住靜廬山崇禎初來遊江城以詩著名右手胎孿能

以左運筆如飛紙上端楷超逸有鐵門限之風 翠橋堂箋贈

游僧

游僧不知何許人嘉靖初嘗於南寺化墨年餘聚無算一幕忽於殿壁上書五大

字曰心虛靈之覺字徑數丈筆法適勁初不知墨汁貯於何器用何物作筆也晨

起相驚失僧所在 干湖志

高妙瑩

高妙瑩字叔琬解縉母也通經史傳記善小楷曉音律算數女工極其敏妙名山藏

蔡氏

蔡氏隱士韓奕妻也讀書通大義善筆札嘗書經刻以行世張昌永吳中人物志

徐氏

徐氏裔出吳之天平山歸水東陸輿讀書通大義知楷法子霽入翰林封孺人震澤集

澤集

馬氏

馬氏名閒卿字芷居金陵人陳翰林魯南之繼室也書法蘇長公得其筆意頗與

魯南相類列朝詩集

黃氏

黃氏遂寧黃簡肅公珂之女新都楊修撰用修之繼室也博通經史工筆札閨門

肅穆用修亦嚴憚之列朝詩集

金元賓妻

金元賓妻萬曆時人元賓為履吉上足故書法亦因之綿麗多態而閨幃之氣未

除王世貞三十六楷法跋

邢慈靜

邢慈靜貴州左布政馬拯妻少卿邢侗妹也書宗李衛武定州志

慈靜善仿兄書 列朝詩集

黃氏

黃氏編修趙景妻也少工楷法讀書通曉大義 初學集

姚氏

姚氏號青峨居士秀州人姚玄瑞女歸范君和日讀漢魏以來諸集摹晉諸家書法吟咏多散佚不盡傳 玉駕閣遺業小傳

陸氏

陸氏名卿子姑蘇尚寶卿師道之女太倉趙宦光凡夫之妻也凡夫棄家廬墓與卿子偕隱寒山手闢荒穢疏泉架壑善自標置引合勝流而卿子又工於詞章翰墨流布一時名聲籍甚以為高人逸妻如靈真伴侶不可梯接也 列朝詩集

徐媛

徐媛字小淑副使范允臨之室也多讀書好吟咏與寒山陸卿子唱和稱吳門二大家 列朝詩集

近代名閨以書表著者吳中為范夫人徐小淑 珊瑚網

袁氏

袁氏名九淑字君慇通州人錢良胤之妻四川左布政袁隨之女也少讀經史尤深內典詩文清麗書法道媚 列朝詩集



沈伯姬

沈伯姬聘黃履素年十八早亡書法似歐陽率更

眉公集

葉紈紈

葉紈紈字昭齊三歲能朗誦長恨歌十三能詩書法道勁有晉風歸趙田表氏

多朝

詩集

張徽卿

張徽卿清漳人柯孝廉配寓白下善書

珊瑚網

雲濤 月液

雲濤月液徽卿女弟子清瑤君贈詩云妙撫樂毅行波牋鐵畫銀鈎字樣圓姊正

臨池洗端石妹先題葉弄輕煙

珊瑚網

女士徐範

女士徐範嘉興人十三齡能摹諸家體賣字自活

珊瑚網

徐範縮書聖教序無一筆不肖亦無一豪羞澀閨幃態

恬致堂集

何玉仙

何玉仙號白雲道人史癡翁之妾能篆書

列朝詩集

張天駿廝養婢

張天駿有廝養婢善書觀者嘖嘖嗟賞

紫桃軒又綴

姜舜玉

姜舜玉號竹雪居士隆慶間舊院妓工詩兼楷書

列朝詩集

馬如玉

馬如玉字楚與本張姓家金陵南市樓徙居舊院熟精文選唐音善小楷及八分

書

列朝詩集

朱無瑕

朱無瑕字泰玉桃葉渡邊女子幼學歌舞長而淹通文史工詩善書時人以方馬

湘蘭云

列朝詩集

顧文英

顧文英善書以碧絲作小行楷繡之盛鏡囊以遺所歡

俞琬繪自娛集

梁小玉

梁小玉武林人七歲依韻賦落花詩八歲摹大令帖長而游獵羣書作兩都賦半

載而就著卿環集三卷

列朝詩集

楊宛

楊宛字宛叔金陵名妓也能詩有麗句善草書歸茗上茅止生止生重其才以殊

禮遇之

列朝詩集

董其昌云楊宛書非直媚秀取姿而迴腕出鋒絕無媚骨

書史會要

薛素素

薛五素素姿度妍雅能書作黃庭小楷尤工蘭竹下筆迅掃各具意態又善馳馬挾彈能以兩彈丸先後發使後彈擊前彈碎於空中

甲乙刺言

卞賽

卞賽字賽賽自號玉京道人莫詳所自出或曰秦淮人知書工小楷能畫蘭能琴僑虎丘之山塘所居湘簾斐几嚴淨無纖塵雙眸泓然日與佳墨良紙相映徹晚依良醫保御氏刺舌血為書法華經既成自為文序之

梅村集

王少君

王少君名曼容白皙而莊清揚巧笑殊有閨閣風其居表以長楊人遂呼為長楊君學字於周公瑕學詩於余宗漢學琴於許太初爭以文雅相尚

潘之恒曲中志

楊蕙孃

楊蕙孃名曉英秦淮女郎精黃庭小楷

珊瑚網

沙宛在

沙宛在名彩姝擅臨蘭亭

珊瑚網

郝藝娥

郝藝娥名宛然工寫宣示帖

珊瑚網

楊叔卿

楊叔卿名婉素喜學麻姑壇一洗齊紈可易百錦大足掩映林下風

珊瑚網

C. T. LOO & CO.  
41 EAST 57th STREET  
NEW YORK, N. Y.

NO. 573  
HGT.  
LENG.



